


**TRUTH
CENTERED
TRANSFORMATION**

MODULE 1



**KHUKHWANJULA
BUBWAKAANISI BUBWITSUFU
SHITABO SHO'MULEEKELI**

Truth Centered Transformation - Kumusomo 1: Khukhwanjula Bubwakanisi Mubwitsufu version 4.2 Copyright ©2019 Reconciled World, Phoenix, Arizona, United States of America. www.reconciledworld.org
Kumulimo kuno kunyoolibwa aasii eekhufukiliisana khwa: Creative Commons Attribution-ShareAlike 3.0 license. Ufugilisiwaa ate wapiliisiwaa khuurambisa kumulimo kuno ni khukooa ,khuukabaa ni khuusalanisaa nga uulondeleela bino:

Yokeesanisa khusiima /khufukiliisana — Wakhiila wokesanisa kumulimoo kuno nga uurakhoo biloomo bino oori : Copyright © 2012. Byaroonewa ni Reconciled World (www.reconciledworld.org) nga khulondeleela khufukilisana khwa : Creative Commons Attribution-ShareAlike 3.0 license. Ingaa uukana bifurakho bino lolaa ano, www.creativecommons.org.

Ilii - Byebusubuusi taa — Ukhakhakakho khurambisa bili muno,ni bitsiililwaa bye khukhola byebusubuusi taa .



Nga abaa uukana khushuusa bibili mushitabo shino,nyoowa ubakanikheyo khu ndakilile eeno :
info@tctprogram.org.

Byaroonewa byoosi bikhoseefu byayamisiwa mu Bayibuli tsiino khurusakho nga bashokesiile: Holy Bible, New International Version®, NIV®. Copyright ©1973, 1978, 1984, 2011 by Biblica, Inc.™ Byarambisiwa ni khufukilisina khwa Zondervan. Bukanguluule bwoosi bwaalindiwa mushibaala shoosi. www.zondervan.com The “NIV” and “New International Version” byawandishisiwa mu United States Patent and Trademark Office ni Biblica, Inc.™

Khufukiliisa ni Khusiima

Sikhuli ningeeli ye khusiima buli mutwela uubele nga eeambilamo mubindu biyeetele indekekha yiino yoola isi ilii. Bibyafurisa khukhuwa kamaani kakanyowa mundekekha yino kama mukhuleekele khwa Darrow Miller uweemu Disciple Nations Alliance ni Bob Moffitt uweemu Harvest Foundation. Indekheka yino yakholikha ate yaareewaa mungoola khukhwaama mumiiko kyeesi naabela ni Food for the Hungry. Indii ni khusiima isi bali lwe khukhuumba shifo shekhukhakilamo bibibaso bino atweela ni kamapeesaa kakayeeta bino mukhokhola bibindu bino.

Mumusomo kunyowa kuuno, naasaaaba byaroonewa bikali khukhwama isi Bob atweela ni Darrow ,nikhufuuriililela khulisomo lye “Ikhooda ye Khutsowatsowana” ni Darrow Miller atweela ni “Leadership Development Training Program” ni Bob Moffitt. Byekamakhulu bilala bibaronewa mu shitabo shino byayama isi Mark Wilson. Lukaano lwe Khukhalisa Lulutsi mu lisomo lye 8 iluulikho lulwase taa, lunyolikhaana mubaronewa byaase biikali ne nakhumanya numweene uwanyoowa khuluroona taa ..

Indii nikhusiima khukaali isi aboo boosi beesi khwakaniisile atwela ninaabo mumiiko gyoo nga beeyiika ate nga naabo babiira mungoola bibibaso bino. Baano nibo bafuuri baase ba’ngaali. Khuraa mungoola khwabaano ni njeeli isi babibonamo sharera khubiramo ni khukhupilisa khwawee khwanjeeta akhaba nga nakana khubiruraamo . Balekeelwa baase babanyoweelelela mbakana naabikho nga naanabeeyiikilakho khu lekeela ni bye khulekeela. Mukhwikhalilikha beyiika ni khuleekela bibibaso bino lwanyuma byaaba nga bibataabula butabula mumboona yaawe. Ne Wele aruusaa bisintsa eeebyoo nabyoo mubutambi. Shekhukhebusa, shino ishiwaaamba khusee namwe byesi ikholaa taa, nengaa biwaamba khu Wele ni byeesi aba alikhukhoola, Nawambiiwakho mububalayi khukhufugilisa naase naba mu lukano nikhuba umwakaanisi mu butoro bwaase. Shirifa shitsyee isi Wele yenyeene .

Mukhumalilisa, kaane isiime umukoosi wase uwaleekha bubwakaanisi bwewe wetsaa khurambila atweela ninaase mu ndekheka yino. Akhaali niye, manya khaali mbaawo khubiino byanyaalikha taa. Namanya kimilundi kikhabalikha isi weehanayo mimiiko kino khubona oori shino shikholekha. Iwe niye imbeewo ibaa aasii eetsindaa tsaange ate ikhukana.

Anna Ho

Umurangilisi Ukhaalawo /Executive Director

Nga Ushili Khurakikha Ta

Khu khwitekhatekha khusomesa Kumusomo

1. Soma Shitabo Sho mulekeeli nga wimenielela. Rona khundulo bibinyala khukhukhebusa biliimo bikhulu.
2. Lola bilomo bikhulu buuli mulisomo nuwoo umanye sheesi basomi banyala beyiga mulisomo elyoo.
3. Nyowa usome bibyaronesa nga ushiili khurakikha khulekeela ta.
4. Boona oori ulii nibikaniwa byoosi bitsya khukhuyeeeta khusomesa nga tsimbapula tsye shitabo shoo musomi ni bye khubonelalakho.
5. Boona oori wabiremo buuli shekhukhola mumusomo okwo ,(kiminyawo,byekhubonelakho).Unyala wanyowa nikhulekeela bemungo namwe basaale..
6. Yilakhoo imbuka mukhulomba khungonangona basomi, khurekelesa khukhwama isi Wele ni nawee khuyeeeta mukhulekeela bibindu bino .Khebulila oori Kamaani ka Wele konyeene kakayeta babandu khuyukha.

Bibinyala Khukhuyeta khulekeela Bulaayi naabi.

1. Yoola mushifo shekhusomeselamo mangu ungonengone bye khusomelakho mu bulaayi.
2. Ukhahiramo mangu mangu mumasoomo taa .Renjekharenjekhala imbuka imaala mukhuyika,byekhukhola ni khuwoolakho .Shitsililwa shili shiri babandu babe ni imbuka ye khutengela ni khukhuyikiila atweela.Lekela buuli shitwela nga buuli mundu atengela Kimisomo, kimilala kinyala kya yila shisitsa namwe shifukhu shoosi.
3. Biraatsakamo byomalile khusomesa .Nga nurakikha buuli shisitsa,balekhe babireemo byoosi byeesi beyiikile. Khukhwilangaanamo khuyeta basomi khukhuyika byeesi basomile.
4. Londelela Shitabo Sho Musomesa ni Bilomo Byeesi atekhatekhele.
5. Bona oori bisintsa byoosi biine bye kumusomo bilimo.
 - a. Yanjula Kumusomo – byekhukhola kane biyeete khukaata kumusomo ni byeesi bamanyaa.
 - b. Wayoo bye khumanya biyakha – tsiliwoo tsingeele tsingaali tsekhukabanaana byekhumanya biyaakha.Balegelwa baawe she khukhola ni byeesi beyigile –byekhukhola bibayeeta khukhuyiga bulaayi bye kamakhulu nga baramba, nga bafumbula sheesi bakhola ni bashawe babaandi .
 - c. Kaata khubyeesi bamanyile nibyebulamu bwawee –byekhuraa munkola lwanyuma lwe kumusomo shiyeeta umulekeelwa khura munkola byeesi eyikile mubulamu bwawee . Khukhuyika nga uraa mungoola ishireera injukhayukha taa nalundi ishiyeeta .
6. Yikhebusakho khubyeesi weyiga mukhulegela khwe Balekeeli khukhuyiga khwe babandu bakhulu .
 - a. Lakiliila tsitsila mu bulaayi.
 - b. Reeba bireebo binyaalisa umusomi khunyonyola.
 - c. Siima babaandu lwe khukhwiikila atweela.
 - d. Ukhabolala babaandu shishindu sheesi banyala batsula bonyeene nga beyiiga taa.
 - e. Yombekhela khu byeesi bamanya khaale usiime ni khumanya khwabwe.
 - f. Baa umwikhalilikhi nga nibelaamo.
7. Khupilisa buuli mutweela abee nga enyikila mubuli shiliwo mukhuyiga khuno.Ni be kama'nganyu naabo bakhupilise benyikileemo
8. Ba nga ulomba isi Wele abikuule bibindu bishakha isi uuli ni balekelwa bowoo.

Ingeeli Yekhurambisamo Shitabo Shino sho Mulekeeli

1. **Ilomo Ikhulu ni bye khurambisa:**Buuli lisomo lirakikha ni khasitsa khano.
 - a. **Ilomo Ikhulu** - –Kano niko kamakhulu keesi buuli musomi akhila khumanya bulaayi buuli isii lisomo khwakamila. Buuli isii lisomo lyakamila bona nga urambise imbuka ubireemo kamakhulu kano buuli mutweela akafune bulaayi .
 - b. **Bye khurambisa** – Bibikaniwa bibyakhila bya buuli lisomo byaronewa. Unyala warambisa Shitaabo sho Mulekeelwa waawa buli mutweela shisheewe namwe wabaawa tsimbapula tsitsakhila khurmbisiwa buli mulisoomo.Unyala warona Byaronewa Bikhosefu ni bireebo khu lubawoo oba barona bibyaronewa bikhosefu khubupapula buuli lituli .Lituli likali linyala khurambisa likitiyi ,namwe lubaawo lwe khuronakho..
 - c. Shitaabo Sho Mulekeeli Shino kane shikhoweese waeena isi wakhila khushirambisa:
 - i. **SHITABO SHO'MULEEKELWA** – Shomulekeelwa -isi shibonekhela shiiri.
 - ii. **BIFAANI BIBIYETA** – Byekhuboneelakho -isi shibonekhela shiiri
2. **Umukhupilisi byeesi akhila khulondeleela:** Bino bye khulondeleela bibyakhila mukhulekeela khuno bulaayi. Bino ukhakabanaana ni balekeelwa ta. Biyiige ubimaanya mungeli yowo isi urangililamo khulekeela. Bireebo kaane biibe ni bye khukhwilamo (byekhukhwilaamo bili mubyaronewa nga byakoona [italics]) khukhuyeeta nga nosomesa. Bino ibiili bye khukhwilamo bilaayi byonyene taa .
3. **Khufuga Imbuka ni khutsililla:** Imbawoo imbuka iyarerewaawo khubuli lisomo taa.
 - a. Rambisa buuli imbuka khuboona oori basomi beyiga kamakhulu kafura bulaayi mu mumusomo. Fayoo khubona oori basomi beyiga nee ukharaa kumwoyo mukhumalila mumbuka isii ureejekhele taa.
 - b. Leekhakho imbuka ye khulomba,bujuulisi,khukanikho khu bikooosi ni khu lombela atweela.

Lisomo 1: Lukano lwoosi

Ilomo ikhulu

Ilkhola ya Wele ilirii babandu bawonesiwe kimywoyo kyoonyenyene taa, ne nikhukoboosawo busaale butaaru nga nabwooba nga bushili khwoonekesewa mu khukwa —busaale bweefe ni Wele, babaandu fwenyene nafwenyene ni bibyabumbibwa byoosi .

Byekhurambisa

1. Byekhubonelakho:
 - a. Busaale Butaaru (Bifaani bine : Khuubumba, Khukwa, Kumusalaba, Khukobola)
 - b. Kumwinyawo kwa Adamu ni Eva (tsimbapula 2 tsibili)

Khukwanjula

Mulituli likali lye khukhupanisilamo bibibaso

- Lwashina Yesu afwaa?

Khupilisa ufune byekhukhwilamo bikaali .Bakhebuse bassomi oori she khukhwilamo shituufu ishiili shitweela taa. Basiime lwe bye khukhwilamo byaawe byoosi.

Busheele khuloma khuuri Yesu etsaa busaa khukhuwonesa khukhwama mubyoneko .Shino shituufu, nengaa etsa khukhola bifuurakho shino. Khufiila khumusaalaba ,shili shitweela khubye lukaano lwoosi. Khumanya khutengela bubakha bwe Baibuli, ikaana khutengela lukaano lwoosi khwama mukhutandikha khukhwolesa ibwakamilo.

Khuubumba

Mulituli likali lye khukhupanisilamo bibibaso

Khulolelela nibyeesi umanyile nga Wele nabumba shibala, unyala wiilamo bireebo bino uryeena?

- Busaale bwa Adamu ni Wele manya bwaba buryeena? (*Khuurakikha 1: 26-27, 31*)
- Busaale bwa Adamu ni Eva manya bwaba buryeena? Wibasa oori bakhandisanatsaka naabi? (*Khuurakikha 2:23-25*)
- Busaale bwa Adamu ni Bibumbe bibindi manya bwaba buryeena? Adamu abaa nibyesi akanatsaka byoosi? Manya aba ni bilyo bimumaala? (*Khuurakikha. 1:29-30*)

Yokesa BIFAANI BIBIYETA shifaani 1: Yeeta basomi bamanye baari ikhurakikha nga khukhwoneka khushili khubawo, busaale buno bwaba bulaayi naabi

Khuukwa

Soma: Khuurakikha 3:1-20.

Kumwinyawo

Lomba babandu babili bakhole kumwinyawo kuno. Bawe indakililo ye kumwinyawo .

“Inganikha ya Adamu ni Eva”

Adamu:	(Ali khulima) Eva, Khuramba munimilo muno khwasitowa khwama nga nakhwonekela Wele mukhulya litunda!
Eva:	Eeee, nibafubukha nabo ibili khutsya bulaayi nga nabyaba taa. Bakhandiisana, baakhupana .Khali ibiloosele khutsya buubi bityo taa! Ari bona nikhukhwibowa kamaru! Ubonekha buubi!
Adamu:	(Bakhandisana) Boona, aari ikhunyalala nikhukula tsinanga tsinjakha ta! (Waasilakho) Nga niyiibasa tsinakhu tsyanyowa tsyo, nga Wele nakendatsaka ninafe atweela nikhukanikhatsaka ni naffe. Aari awulila nibuubi lwekhuba khuliwo. Ukhebulila nga bisoolo nabyakhuwulila tsaka? Aari bikhututukhakho busa!
Eva:	Eeee, namwe bikana khukhuluma! Aaaa... inganakho tsindemu taa! Ifugilila ndi nawulilisa kamakeesi ke ndemu taa! Bino byoosi byetsya ni ndemu!
Adamu:	Taa, iwe niye uwareera biinoi! Uukhola shishindu shituufu taa! Lwashina abe ise imbila kamakesi khukhwama khwiwe uwakafuna khukhwama khu ndemu?
Eva:	Kaale, ukhaananya taa.Ebyo bibyowoo! (Wenamilila, nga mukhalafu) Nenenyile. Ishiyeeta khukhu mbarushilakho taa . Adamu, wibaasa oori bibindu biliba nga nabyabetsakaa?
Adamu:	Nakhumanya taa .Wele yenyene niye unyala wakhuyeeta!
Eva:	Aaa,taa—Aari shiina? (Wabalukha nga narura) Yakamisa khukhupana bananywe Yakamisa aari aari. Khambolelekho papawenywe ate anaba musangafu taa!
Adamu:	(Wilayo imukunda,) Khuramba ,khuramba ,khuramba ,khuramba khuramba,khuramba, ...

Mulituli likali lye khukhupanisilamo bibibaso

Khukhwama mumwinyawoo guno nibyeesi wasomakho muBaibuli, bikosi shina byeesi babandu aari bakanana nabyo lwanyuma lwe khukhwoneka?

- Soma Khuurakikha 3:8,10 – Shina shakholekha nga babandu bonekesele busaale bwawe ni Wele?
- Soma Khurakikha 3:12 - Shina shakholekha nga busaale bwe babandu bonyene nabonyene nga babwonekesele ?
- Soma Khuurakikha 3:15 –Shina shakholewa nga busaale bwo mundu ni bimumbe nga babwonekesele?

Mu khwonekesa ,buubi bwengiila mushibala,ilii byemumoyo gwonyene taa ne ni bibonekhakho.Nga khukhwoneka khushili khubawo ta abe imbawo itsala ,musisi kimikhuro,shimiyu shekamani ta. Lwamnyuma lwe khukwa\khukhwonekesa,aari byoosi biliwo.

Khukwa khwonekesa busaale butaaru buno.

Yokesa **BIFAANI BIBIYETA** Shifwani 2: Khukwa khwarera khukhwonekesewa khwe Busaale buno.

Shitsiililwa

Shishilakho mu Lukaano Lwa Wele ni byeesi aabumba biili akari ekhukwa ni bwakamilo we ndagano ekhaale.

Bookese bisiintsa biino muBayibulu .

Aano niwoo isii Wele alikhuwetsa babandu beewe. Akana naabi khukobosa bushakha bibyonekha.

IBULAIMU - Soma Khuurakikha 12:1-3. Mushisitsa shino, Wele enyusa Ibulaimu, wamubiita tsikhabi. Lwashina abiita Ibulaimu tsikhabi? (*Wele akana khubiita kamanambo tsikhabi.*) Mubyaronewa biino, khubona ekhola ya Wele iyekhuwonesha shibala shoosi. Khubirira mu Kanisa, akana khureera tsikhabi mumanambo

MUSA – Wele awaa kamakmbila likhumi, nuwoo akoboosha bushakha busaale bubwonekha. Manya Likambila libimbakho bibindu byemumoyo namwe libimbakho busaale bwefe fwenyene nafwenyene Bibyabumbiwa?

Kamakambila kakanyowa kaane kakobosawo busaale bushakha bwefe ni Wele. Ne kasembayo kaasesaba kakobosa bushakha shina? (*busaale bwefe fenyene na fenyene*). Babolele oori kamakambila koosi kaaambakhu busaale ni Wele (She Lukyeendo 21:3), babaandu fenyene nafenyene (She Lukyeendo 21:12), ni busaale bwefe ni bibumbe (She Lukyeendo 23:10-12). Kaliwo kakaamba khu bye bulamu (Ba Levi 13) ni kakokesa esambo ye khukhubirisamo ni babandi (She Lukyeendo 23:1-9). Wele afayo khu bye kumwoyo kwonyene ta ne nabuli shishiamba khu bulamu bwefe, kila arawo kamakambila kakakolola buli shibi isi shonekesa.

Soma Kamakaambila 28:1-14.

- Wele asubisa shina nga abee babandu bewa bakhuminyalila kamakambila kano taa?
- Tsikhabi tsesi Wele asubisa tsili tsebibindu bye mumwoyo mwonyene namwe ni mubulamu bwabushellee nabwo?

Wele enyusa ba bahinga ni ba'ngoosi ne buli imbuka Isirayili nga linambo lyaaba ni butambi ni tsindalo lwekhuba barura khu Wele ate nga ni kamakambila sibakalondelela taa.

Soma 2 Bye Kimiboolo 7:14.

- Bananu beesi Wele alanga khukhwihombekha ni khulomba? (*jilii babandu boosi taa, ne babandu bewa—bafugilisi muKrisito.*)
- Wele aloma aari shina shikaane shikholekhe nga bawuulile? (*Wele kane awonese liswa lyaawee*) Kamatsima kano kashiliwo ni shalelo. Ishimanyisa babandu khulokokha khwonyene taa ne khukobosa buyakha busaale butaru—busaale ni Wele, busaale ni babandi, ni bibumbe.

Kumusalaba

Shino nisho shisitsa shishiyangisa ilala mu lukaano, nalundi shekhufakho naabi. Mufukilisa tsikhali idwela taa, babandu basabibwa khukhwira shisoolo nuwoo basimiwe ni bawele bawe. Mubafukilisi ba Krisitu Wele akanana naabi babandu wakuwa Umwana wewe khukhufilikhilila.

Soma Bakolosaayi 1:19-20. Lwashina Yesu afwa?

- *Khukobosa busaale bwoosi bushakha..*

Yokesa BIFAANI BIBIYETA Shifwani 3: Ubabolele oori Yesu etsa khukobosa bushakha bibindu byoosi bibyamenyukha Imbawo shishinu shoosi shinaaba nga sholelelekhurusakho nga ibwakamo yelukano yolelel.

Yesu akhulekheela bufunisi bukaali. Ikhwaakama khuboona babandu nga bekyeliile bafugilisi bewa, nikhukalusa kamanambo kabee kebabugilisi. Khuyusa kamanambo shimanyisa khuyusa linambo khulondelela bitsililwa bya Wele musambo tsoosi isi Yesu akobosamo bushakha.

Khukobola

Mulituli likali lye khukhupanisilamo bibibaso

Soma Khubimbulilwa 21:1-7.

- Busaale bwomunu ni Wele bulifwanana buryena ibwakamilo?
- Busaale bwe babandu benyene na benyene bunabaa buryena?

- Busaale bwe babandu ni bibumbe buli bafanana buryena? Khulibaa ni byekhulya bimaala? Khuli lwaalilitsaka?

Yokesa BIFAANI BIBIYETA shifwani 4, Ubabolele oori nga Yesu wetsile khukoboolai l'ngolalakana/busaale bwefe buli kobosewawo bushakha nga aba Wele nakana khukhwama iburakikhilo

Mukhumalilisayo

Luno nilwo lukaano mubutsufu—Lukaano lulwiyangisa khukhwama iburakikhilo khukhwolesa ibwakamilo nga aba Wele nakana shibala shisholele ;nga shishoneko nashengila mushibala,shonekesa busaale bwefe ni Wele,babandu fenyene na fenyene, ni bibumbe ;nga Wele nakhukana lukaali naabi wakuwa Umwana wewe khukobosa bushakha busaale bwefe bubwonekeswa lwe khukwa ni'njeli isi Wele lutwela kene akoboole lundi akobose bindu byoosi bushakha .

Wele akhukana naabi. Wele arumaana Umwana wewe wetsaa wakhufilikhilila nuwoo khube ni busaale ninaye, busaale fenyene na fenyene ni bibintu byeesi abumba .

Lisomo 2: Babandu Bali bekumukaso isi Wele

Ilomo Ikhulu

Babandu boosi babumbiwa mu shifwani sha Wele atee bamulikho kumukaso . Buli mundu akhila khubirisiwa nga shibumbe sha Wele shekumukaso.

Byekhurambisa

1. Mushitabo sho musomi (Unyaala warambisa obaa taa):
 - a. Khwabumbiwa mu shifwani sha Wele (buli lituli 1)

Khukhwanjula

Lituli Likali lye khukhukhupanisilamo bibibaso

Mu Congo tsikanisa tsingali tsarakikha khukhwoleelaa bamalaya,nga babafugilisa khumenya mu tsikanisa nga babalekela khutunga tsinanga. Bakhana bamalaya bano aba bamenya khu tsinkundo lwekhuba bafuna bisoombo nga bashili khukhwalikha taa, bemungo babaatimisa.

- Wibasa oori lino lituli lilayi lyesi Ikanisa yakha khuyeeta?
- Iwiibasa oori manya baliwo babandu babandi beesi tsikanisa tsinyala khuyeeta akhali bano?

Khwabumbiwa mu Shifwani sha Wele

Mulituli likali lye khukhupanisilamo bibibaso (*SHITABO SHO 'MULEEKELWA*)

Soma Khuurakikha 1:26-27.

- Musambo shina isi babandu bakhafanana ni bibumbe bibindi? Wele arambisa shina nga shekhubonelakho?
- Buboneelo shina buli mumbonekha ya Wele bubuli mubandu?Imbaliilekho bukaali buryo

Soma Tzipapuli 139:13-16.

- Bunyilili buno bukhubolela shina khu khumukaso kwe babandu?
- Wibasa oori bunyilili buno buwamba khubandu balala namwe babandu boosi?

Wele akhubumba nikhukhwikendelesa nalundi warona tsinakhu tse bulamu bwefe mushitaabo.Ikhwakwawoo busa taa ne Wele abumba buli mutweela .

Nga babandu bakali mukhukhupanisa bibibaso

Soma Yokana 3:16.

- Wele akhola shina khukobosa shibala bushakha?
- Wele akhufilikhilila lwekhuba khuli balaayi? (Nga belikalikana basomele Baroma 5:8.)
- Singa nga Wele anyalisa khusindikha Umwana wewe wetsa khukhufilila,nashiiryo Wele aboona babandu nga bekumukaso?
- Shino shimanyisa shina musambo isi khubirisamo babandu babandi?

Umbawumbakho: Khunyala khuboona mubya ronewa khuuri,wanya aari babandu bali be kumukaso

Wakhumba mu shifwani shewe —buli mutwela khusiife atungiwa nikhufayo mushisombo sha maayi wewe.

Afayo naabi khubandu beesi aruumanisila Umwana wewe wabafilila.

Yibaasa khutsikanisa tsitsayeeta bamalaya.

- Burume buno manya bunyala khukhuyeeta khutengeela lwashina khukhalawo khubayeeta?

Khukhwiibasa wenyeene

Buli mutweela khusifee ali uwekumukaso isi Wele. Ninabo boosi bemushisitsa shefee bali baryo. Yilakho imbuka wibase musambo isi ubirisamo babandu, ubaabirisa nga be kumukaso isi Wele?

Shekhukhuyiikilakho: Ikanisa iyanyowa

Nga babandu bali bakaali mukhukhupanisa bibibaso

Bafugilisi mu Kristo mu kanisa iyanyoowa batengela bari babandu bali be kumukaso. Khu imbuke yo, babandu bakali bafugilisa bari bawele basolanila bukhulu, bakanatsaka babandu babakholeele iwongwa nuwoo bawele benaaboo balobe khubawa bitaambiiso taa. Bafugilisi mu Krisito batengela bari Wele wekamatsima ali uwaburawa. Mu shifo shekhukana iwongwa, ne Wele awongayo Umwaana natweela khufilikhilila babandu (Yokana 3:16). Iwongwa ya Yesu yakakasa nga buuli mundu yeesi naali uwekumukaso nalundi khutengela nga Wele nakana shibala sheewe naabi ni babandu sharakiikhisa ikanisa iyanyowa khutandikha khukhabisanisa nga khurusamo bisombo ni khukhwirira bifoono munda. Khu imbukee eeyo nga aba umukhana wasalikhile, abe batuma mutsinkudo. Ne, bafugilisi mu Krisito batengela bari buli bulamu—umuleme, nga ushili khusalikha, shisetsa, sheekhaasi, umugulwa namwe umuhindifu—boosi bekumukaso kumubiririfu isii Wele. Bangaala babaana bekhaana mutsinkundo babakhusa nga babawee.

Ikanisa iyanyowa abe ifugilisa iri, khukhwama Wele nakhwokekanisa khukana nga nawayo Bulamu bwewe khulwefe, kale yaaba ikifunise yawee naboo khukhwakanisa babaandi. Bafugilisi ba Krisito batengela bari bali nikhuba ni khisa isi babandu boosi musambo ndweela yo nga Wele naye naabo nababakho ni khisa. Mumbuka'yoo, khawumbuli weshiwalukho wakwawo. Nga abe umundu weshiwalukho wanyweele kametsi, tsikhabi tsekhuwona tsingali. Akhali kametsi nga nibafwa. Ne, shiwalukho shino shili she khuwambisana. Lwekhuba Balumi barya khuwambiwa bulwaale buno, nga abe bakhuboone ninabwo nga bakhutuuma munkundo wafilaayo ne abee ibakhuwa kametsi taa. Bulamu bwe babandu nga sibabubalamu kumukaso isi bali taa. Bafugilisi mu Krisito, baba baburaawa. Batsya is iboo baba balwale, babawa kametsi ni khubakanga. Bafugilisa mu mubwakanisi bwekhukhwiwayo ni khisa. Bafugilisa bafwila mukhukanga, nebalala nga nibaboona khukana khuuno, bawaya bulamu bwawe isi Krisito. Ikanisa yatsowatsowana mangu.

Khukhwiibasa wenyeene

Yilakho imbuka usile, wibase khu lukaano luuno.

Lomba Wele akhuyeete khumanya musambo isii ubirisamo babandi.

- Ubabirisa nga bekumukaso, nga Wele nabakana wabafilikhilila?
- Ubirisa babandu balala bulaayi babandi buubil?

Lomba Wele akhuyakhiile buuli isii wabirisa babandu munjeeli ikhasangasa Wele taa. Mulombe akhwokesa nga niye Wele naboona babandu.

Mulituli likali likekhe lye khukhupanisilamo bibibaso.

- Bandu shina beesi khukhabonamo kumukaso taa?
- Ngelii shina isii khunyala khwokesamo babandu khuuri Wele ababonamo kumukaso?

Lisomo 3: Kana Wele Ni Khukana Umwesanwa wefee

Ilomo Ikhulu

Wele wakhulanga ifee khukana babesanwa befee nga injeli ye khukhwokesana khukana isi Wele. Khunyala khwokesana khukana isi babesanwa befee nga khubayeeta ni byesi bakana .

Byekhurambisa

1. Byekhubonelakho:
 - a. Umubulitsi we Njili (tsimbapula 3)

Khukhwanjula – Kumwinyawo kwo Mubulitsi we Njili

Kumwinyawo

Londa babandu bataru khukhwama mulituli bekaate mumwinyawo kuno. Bawe tsimbapula BIFAANI

BIBIYETA -Umubulitsi we Njili.

Khukhwanjula khwo mukanihi: Bafugilisi mu Krisito imbuka ikndi “bali ni tsibaasa ifwiiti khu Njili” Bategela bari khukhalawo wa khufugilisa Yesu shili she bulamu- ni- khufa, mbaawo shishindi shesi batengela taa. Nga bakhuboona byeesi babesanwa bakana taa, bubakha bwawe nibukoora[yisililakho]. Shalelo khunakeniyilakho mungo mukhutambi. Uwe mungo muno yenyene nga umutambi, umulwale uuli mububulili. Umukeni, Umubulitsi we Njili ya Kristo woolawo nga abulila injili khumulyango ni khumulyango.

Umubultisi (Um): Baahano, baahano! Manya’ umundu aaliwo? Ninjile? (Wenjila)

Umundu Umulwale Umutambi (Uuu): (Ngaali nikamaani mafwiti) Ingilaa ...

Um: Ise _____ naamila _____ Ikanisa . Netsile shaleelo kkhulanga buli mundu khuKanisa yefee. Wele wabeele nga akhuwa tsikhabi tsekhukhukobosa bushakha. Unyala wakana khufiwlwa shino taa.

Uuu: (Nalenyakaa, akanikha nga etitikana) Inyala netsa taa...inyala naarura mubulili taa ndii mulwale naabi nikee khukyenda twaa... nafwilwa kumulimo... imbawo lipesa lye kamalesi ... bilyo...namwe lipesa lyetsu.

Um: Bino bikoosi bikali ne namanya ulinishekhukhwilamo isi bikoosi bye bulamu. Wafugilisa Yesu Krisito nga Umuwonesi we bulamu bwowo?

Uuu: (Wilamo mbola) Bemungo muno ni basaale bandekhawo nga niinalwala ni nikhufiilwa kumulimo... Manya aliyo khukhwama muKanisa yawenywee wanjeta?

Um: Buyeeti bweesi nyaala wafuna buli mukhatabu khano. Khanyonyola imbanga ya Wele isii bulamu bwoowo. Ilii ikhola ya Wele aari ubee wakonele hanoo uuri ta! Ilii khukhalawo khwa Wele aari ubee wakonele hano’ uri taa ! Asoo, khasome, lombisa isaala yo mwonaki lwanyuma ufugilise

Uuu: (Wilosela khuba mutoro) Nga nanyala ta... mutoro naabi... (Wakamisa khukanikha, wakona haasi nga ’enyanya taa.)

Um: (Waahamba khu mwoyo nga kushikhupa) Aashili mulamu! Wele Asimiwe, noolele mumbuka indayi iyee khubulila injili! Kaane ikhulekhele khataabo khe bubakha . Eee, nakha khutsya imbulile isii kimyoyokikindi kikyakora. (Wamubolela mulikoono lye a’ngaki mukhuruu mwewe. Kaane khulombe. Shebulila oori Yesu niye shekhukhwilamo. (Watsyaa)

Uuu: (Wamulolelela nga natsyaa, umulwaale nga nalenya) Ohhh ohhh ohhh ohhh...

(Ukhakhola shindu shoosi taa – namwe shiboneekha nga shakhila khukholewa taa)

MuLituli Likali Iye Khukhupanisilamo bibibaso

- Shina shakholekha mumwinyawo kuuno?
- Wabonakha namwee wamanyakho babandu bababulila injili musambo ifanana eeri?
- Manyaa mumbuuka yee bweeni imbuulila munjeeli ifaane eeri yamaamo kamtunda ?
- Injeeli eeeno ifananisiwa iryeena ni isii Yesu abulilamo?

Byaronewa bilooma Wele afeyo naabi mukhutakhutsinisa babandu taa—ninafe khuryo . Shishinyala shakhuyeeta khutengela kumwoyo kwa Wele isii babandu shinyolekha mumakambila ka Yesu.

Likambila Likhulu

Mulituli likekhe Iye khukhupanisilamo bibibaso

Roona biyaronewa khu lubawoo.Buli lituli basome byaronewa lwanyuma bilemoo bireebo.

Soma tsinyilili tsino. Bindu shina bibili isii bakhulakila khukhola?

Matayo 22:36-40 Luka 10:27

Soma tsinyilili tsino . Tsinyilili tsino tsikanikha khushindu shitwela khubibili khukhwama a’ngaki.Nishoo shilii?

Matayo 7:12

Baroma 13:9

Bagalatiya 5:14

BABOLEELE BIBYAMILEEMO

Makambila shina kabiili keesi khuboona mubaronewa binyoweele?

- *Kana Wele*
- *Khukana umwesanwa wefee*

Likambila shina lyesii Yesu aloma aari likhulu khukombii ? (*Soma lundi Matayo 22:37-38*)

- *Kana Wele*

Nga likambila ni ba’ngoosi bya byawuumbawumbiwele ni likambila litweela lifura bukulu, nilyo lillala shina ?

- *Khukana umwesanwa wefee*

Wibasa oori shina shakila Yesu wakhawo khugaata likambila ni ba’ngoosi nga arambisa likambila lino?

- *Nga bakhukhaalawo khushino,lwekhuba khwokesana khukana Wele khubiriramu bikhoolwa byefee,khunakobolayo khushirebo shino ibwakamilo..*

Khukana umwesanwa wefee

Mulituli lifiti Iye khukhupanisilamo bibibaso

Soma I Yokana 3:17, I Yokana 4:20, and Yakoobo 1:27.

- Bibyaronewa bino bisoomesa shina khukhukana umwesanwa wefee?

Mulituli likali Iye khukhupanisilamo bibibaso

I’ngolakana shina iliwo akari eekhukana khwa Wele ningeli isi kuuwambiiwakho khubyeesi bakana?

- *Nga khukana Wele,kane khwokesanise khukana nga khukana umwesanwa wefee. Singa nga khuloma khuuri khukana Wele,nenga ikhukana umwesanwa wefee,shokesa shiri ikhukana Wele mumatsima ta.*

Shinyalikha khukabanana khukana khwa Wele nga uyeeta babandu ni byeesi bakana?

- *Taa*

Ifwe khuli balonndeleti ba Kristo nga ikhulii khukhwakanisa mu bye’ngolakolana ni mumubiili—ni bye mumwoyo—byeesi babandu bakana?


- Ta. Nga khwalolele lusiimo lwe kamakheese ni tsimbusi ,khawuliwamu khutsila khubyeesi khukhola, ni byeesi khukhakhola ta . “Nabee tsala wamba shekhulya,nababuleesa wamba shekhunywa ...” (Matayo 25:35). Yesu okesa bulayi bwene mu lusimo luno aari,ifee khwakha khufakho khubakhuli shimii nibyeesi bakana ,singa nga khuuli balondeleli bewe ba’ngaali.

Kumusalaba

Khupaa shifwani she kumusalaba khulubawoo . Nyonyola shifwani isii bali.

Shifwani shino shakholewa khukhuyeeta khushebulila ingola eeno. Kumusitale kukulola mu’ngaki kwokesanisa busaale ni Wele.Nikwoo kumukali.

Kumusitale kwa bushikha kwokesanisa busaale bwefe ni babandu. Kumusitale kwa bushikha kuliwo lwokwo kwololeleela mu’ngaki. Akhaali kuulolaa mu’ngaki, kwabushikha kukwaa mubukyafuu.Shino ishili sha’ngali shonyene khumusalaba taa ne isii bulamu bwefe.Khukana Wele khukhuyeeta khuba ni busaale bulayi.



Nanu niye Umwesanwa wowoo?

Mushekhukhola shino,kane usome lukaano lwo mu Samalia Umulayi nga babandu nabalukalusa mu bikholwa.Lomba umundu mutweela abee nga aboo babaali mu lukaano.Uukana babandu musaafu khukhola shino:: *Umusani 1, babee fi 2 , Umusaayi 1 , Umuleevi 1, Umusamalia 1, uwe wateeli 1.*

Umundu mutwela areeba Yesu, “Ikhole shina nuwoo ifunee bulamu bukhawa?” (“Noola ndyeena mwigulu ?”) Yesu amuloma aari bibindu bibili bikaniwa—Khukane Wele ni khukana umwesanwa wefee. Lwanyuma Umundu wamwareeba,”Nanu niye umwesanwa wowoo?”Yesu wamwilamo ni lukaano luuno.

Soma Luuka 10:30-37.

Mulituli likali lye khukhupanislamo bibibaso

- UmuSamalia Umulayi abee wamanyile umundu uwaba wakwiile aasi?
- UmuSamalia Umulayi aakhola shina khumundu uwakwa aasi?shina sheesi akholawo shaburawa ?
- UmuSamalia Umulayi akhola shina khukhwokesanisa khukana umwesanwa wewe? Akhoola shisholelela namwe shishaakhila?
- Lukaano luuno lukhulekeela shina khu shishihamba khunanu niye umwesanwa wowoo?
- Lukaano luuno lukhulekeela shina khukana umwesanwa wefee?

Shekhuura mu’ngoola

Yibaasa khubandu beesi ubona bushele.Shindu shitwela shina sheesi unyala wakholela umundu ukundi ?

Lisomo 4: Khutsowa mu tsinjeli tsoosi

Ilomo Ikhulu

Yesu atsoowa mu tsinjeli tsiine—mumubiili, mumwoyo, mu'ngolakana atweela ni mumakesi. Ninafe khwakhila khutsowa mu mutsinjeli tsiine atee khunyala khuyeeta shisintsa shefee ni kanisanabyo khutsowa biryo.

Byekhurambisa

1. MuShitabo sho musomi:
 - a. Luka 2:52 IChati (buuli musomi 1)
2. Bupapula bunyala bwaambisiwa ni kaamu bwarewa khu khulubawoo

Khukhwanjula

Mulituli lifiti lye khukhupanisilamo bibibaso

- Umwana akana shina khutsowa aakari eekimiko 0 ni 18?

Roona byekhukhwilamo bye lituli khubupapula bukekhe (Kane uubukane khuburambisa mushekhukhola shishilakho). Ngasibali ni bye khubonelakho khukhwama mu tsingeli tsiine, bawe shekhubonelakho, nga shino. Shekhubonelakho : Bye tsi'ngolakana : Wibaasa oori umundu yunoo anakana khuuba mungoo namwe umundu khumwokesana khubakana?

Luka 2:52

Soma Luka 2:52: “Ne Yesu watsowa mumakesi ni mumubili, ni mubusaale ni Wele ni babandu.”

Injeeli shina tsiine isi Yesu atsowaamoo? Bilomo shina byabushele bibinyonyola tsinjeli tsiine tsino tse khutsowa?

- | | |
|----------------------|---------------------------|
| • Kamakesi | Byemubwongoo |
| • Buleeyi | Byemumubili |
| • Mubusaale ni Wele | Bye mumwoyo |
| • Mubusaale nu mundu | Bye tsingolakana/Busaaale |

Roona bilomo binee byabusheele khulubawoo. Rusawoo tsikadi. Rambisa bupapula bukekhe khukhwama mu khwanjula, balombe babupange mutsinjeli tsino.

Nga Yesu, khukana khutsowa mu tsinjeli tsiine. Khakhurambise khutsowa khwa Yesu nga shekhubonelakho khukhwibasa nga babandu nabakha khutsowa.

Khutsowa khwa Yesu

Mulituli lye babandu bakali lye khukhupanisilamo bibibaso

1. Bindu shina byekhubona/isambo yekhumanya isi Yesu atsowaamo? (Atsyakho mu Universty)? Abakho ni kumunyakasi? Abakho ni bilyo bimumala? Abaa anyala khusoma ni khuroona? basali bamukana?)
 - o Yesu atsowela mungo mukhutambi. Bawayoo shihaanwo she buwusi bubili. (Loola mu Luka 2:24 and Ba levi 12:8.)
 - o Aaba nibilyo bimaala. paapaawe aaba ni kumulimo atee abaa ni mungo mwekhukana.
 - o Neeye eeyiga khusoma ni khuroona mu yekalu.

2. Yesu aba ni bye buyindifu bibyamunyalisa khukhwolesa bitsililwa bya Wele? Lwashi? Khu lwashi?
 - o Yokana 17:4shikhubolela nga Yesu namalilisa kumulimo ni bitsililwa byesi Wele amuuwa.
3. Bukali shina bwebuyindifu bubwashila khukhwolesa bitsililwa bya Wele?
 - o Yesu aba mutambi, ne anyalisa khukhwolesa byeesi Wele akana, khulwewe .
4. Yesu atsowa mu tsinjeli tsiine. Khunyala khwayeeta babandi mu tsinjeli tsino? Nga khukholakhurye?
 - o Eeh, tsingeli tsine tsilii shekhubonelakho isi khunyala khurambisa khuyeeta babandi.
 - o Khutsowa mu tsinjeli tsiine shiyila imbuka .
5. Khutsowa khwa Yesu khwakwawo lubaluba namwe khwayilakho imbuka?
 - o Khutsowa khwa Yesu khwayiila imbuka—kimiko nga 30 !
6. Singa nga khutsowa khwa Yesu khwaba khwayiila kimiko kimikaali ,imbuka shina ikaniwa nuwoo babandu babandi naabo batsowe ?Buungi shina bwe mbuka isi khunyala khuura mukhutsowa khwe babandu mbuka?
 - o Shihilila baabndu imbuka nuwoo batsowa.Nga aba khukana khubayeeta khwakha khuba nga khwi'ngona'ngona mukhuwayo tsisaawa mumbuka yee kimiko kimkalilt takes time for people to develop.

Khushiraa mu'ngoola mubulamu bwefe bubweene

Ifee iikaane khutsowatsowane munjeli tsine nga Yesu natsowa fenyene taa,nee kane khuyeete babandi naabo khutsowa munjeli tsino.

Bawe buli mutwela lupapula Luka 2:52 **SHITABO SHO 'MULEEKELWA** Nga aba ulinatsoo taa, biroone khulubawoo naabo bakopele khububapula bwawee.

Nyowa witsuusemo byekhubonelakho munjeli isi khutsowamo mutsinjeli tsino ndwela khu ndwela nga ukhupilisa bemungo mwowoo, ikanisa atweela ni shisintsa showoo khutsowa mu tsinjeli tsino.

Shebulila khu...

- Khukhalawo binanu bye khukhola musabiiti ndwela. Nga warobole shili shikaali naabi, kane shikhubele shihangafu khukhwolesa, lwanyuma kamaani kaweemoo. Robola shishindu shifiiti nuwoo unyalise khukhwolesa ngomalilisa bulayi ndi wilosele khukhola shishindi musabiiti iyilakho .
- Robola sheesi ukhaali khukhola aari taa.




Isi lituli likhanyala khurona ni khusoma bulayi naabi taa—singa nga lituli lino ilinyalisa khukhwitsusamo taa, aari khupanisa bibaso khubino: Yibasa khusambo tsesi unyala watsowamo munjeli tsiine. Bindu shina byeesi ukharakikha khoo khukhoa taa ?

- Yibasa khube mungo mwowoo. Bali khutsowa mutsinjeli tsiine tsoosi? Yibasa khu shindu shitweela sheesi unyala wayeeta bemungo namwe mutwela khu bemungo mwowoo khutsowa munjeli indwela khu tsinee musabiiti eeno.
- Yibasa khukanisa—nanu isi unyala wayeeta khutsowa munjeli indwela khu tsine? Wibasa shina sheesi unyala wakhola?
- Yibasa khushisitsa showoo—nanu isi unyala wayeetakho khutsowa munjeli indwela khu tsine? Wibasa shina sheesi unyala wakhola ?

Yitsusa ichati ni kamakhuula kakanyalisa khuyeeta mungo mwowoo, ikanisa ni shisitsa khutsowa munjeli tsesi aatsowamo

Bawe imbuka ingali bebaase, bafuune bibibaso bilaayi. Shilii shekumuksaso khuba ni mbuuke eeno.

Nga bamalile, robola banyala bewanayo khukabanana bubakha bwawee nibabandi. Bareebe nga manya bibeledo byeesi bakhaskhile khufuna byekhubonelakho nga baramile banyala bayeeta nibyekhuboneekho bilaayi. (Nga imbuka nimala taa, buli mutwela khumala ,bakhupilise bamalilise l'ngoo wawe.)

Mukhushibona	Tsinjeli tse khutsowamo khwa Krisito			
Bye khutsowa	Kamakeesi	Bye mumubili	Bye Mumwoyo	Bye ngolakana
 <p>Semwene</p>	Soma shitabo shoosi shiwamba khu sheesi ukana khukhwiyakakho	Njendakho lujeendo luleeyi	Yilakho imbuka mukhulomba nga shisintsa she lunakhu	Sindikhilakho umusaale bubakha bumwisamo kamaani
 <p>Mungo</p>	Kanikhakhoo khurambisa tsinikha tsibili ni bemungo	Singakho tsisowaani nga mwamaliile khulya	Rangililakho bemungo mu khulomba ni khwiyiika khwabushela	Yilakhoo umukyelema woo mukyendekho (Mukhatsya ni babaana ta)
 <p>Ikanisa</p>	Mukhuyika khwe khupalaasa, ramuu nkola bubakha bwewe Lwasabiiti	Ngo'naakho khayila khakhetsa khukanisa	Lombelakho Nabwaayi ni barangilisi be kanisa	Langakhoo bafugilisi be mukanisa munywelekho chai atweela Invite different church members to our home for coffee
Shisintsa	Kanikhaanamo nu murangilisi we shisintsa khu bikosi biliwo	Yangalakho bikyafu/bisasilo mu shisintsa shenywee	Mungoo mu langekhoo babesanwa khumayiyakeKhusal ikha khwa Krisito	Yinyawokho lifundoo nibabaana be babesanwa

Khumalilisayo

Khukhupanisa bibibaso mulituli likekhe (babandu 2-3)

Mumatuuli ke babandu 2-3 (bakhatuuma 3 taa !), khuboleelekho shishintu shitweela sheesi wulikhukhwiwayo khutsya khukhola. Sabanilakho muuri Wele abawee bunyala khukhwolelesa khukhwiwayo khuno .

Lisomo 5: Wele akana Ikanisa Iyeete

Ilomo Ikhulu

Ikanisa yalangiwa khukana shisintsa shewee nga ibiriira mu bikhola, nikhufurileelala nga ifayo khubyeesi batambi bewootooma.

Byekhurambisa

1. Tsimbapula — tsibili buli lituli lyabaane.
2. Shitabo sho musomi:
 - a. Tsingeli tse khuyeeta (Lupapula lutwela buli lituuli)

Khukhwanjula

Mumatuli kamakekhe kakalimo (babandu 4)

Rona bibindu byeesi Ikanisa yenywe ikhola (khupa shifwani shishokesa byeesi mukhola ,nga shakhiila).

Nga ,bamalile,lomba kamatuli babireemo mu lukhalala baboone bindu shina byarewaawo khulwaboo babetsa mu kanisa ninabo bakhetsa mukhanisa taa .Biliwo byengaa buuli lubekaa ? Kholayo lukhalala lwe bibindu byeesi mukhola nga mwaloleelele batambi ni bakhenyala taa . Bili byengaa/bingaa?

Mulituli likali lye khukhupanisilamo bibibaso

1. Babandu mushisintsa bebasa shina khuKhanisa?
2. Babandu mushisintsa bebasa shina khubyeesi Ikanisa ikhola?
3. Babandu mushisintsa bebasa shina khubafugilisi baKrisito?
4. Babandu mushisintsa bakana babalange khukhwitsa mu Khanisa namwe babeene betsa bwitsii?
5. Wibasa mushisintsa khaali babandu bawulile baryeena nga Ikanisa ishiliwoo ta?
6. Wibasa shino shisangasaa Wele?

Isaaya 58

Isaaya aba ali khuronela balsilayili,babandu ba Wele barobole.Bali shekhubonelakho isi Khanisa shalelo.

Soma Isaaya 58:1-10 atee mukhukhupanise bibibaso:

- Babandu abee bali khukhola shina?
- Babandu bano Wele abelamo shina?
- Lwashina Wele eelamo musambo yino?

Mulituli likekhe lye khukhupanisilamo bibibaso (babandu 4-5)

Lomba buli lituli liwumbewumbe khubyesi likhupile mushifwani namwe khurona lunyilili lutwela.

Nga buli lituli lyaweleyo bibyawwe,barebe khubyeesi bebasa khumakhulu kano isi kamanyisa khu Khanisa shalelo.

Kumunyu ni Buwaanga

Mulituli likkhe/Likali lye khukhupanisilamo bibibaso

Soma Matayo 5:13.

- Mbolelekho kimikaso kye kumunyu?
 - o *Kusiingaa, Kubikha bibindu byaataa khubola,kwongelamo kumu'ngaawo.*
- Lwashina Yesu aloma ari bafugilisi bewe bali “kumunyu kwe shibala”?

- o *Khuli nikhuubaa shekhubonelakho shillayi mubifo byeesi khubaamoo . Khuuli ni khurerawo shekhubonelakho shishi miliisa ni khutengeela nga shisintsa shefee khuloba khubola taa . Shimanyisa shiri khuli nikhubona bisintsa byefe nga bifanana naabikhoo nga Wele nakana, ilii khukhwila inyuma taa.*
- o *Munjeli yene indwela kumunyu mutini kuuri kunyala khuyusa kumu'ngawoo kwe bilyo,nga bafugilisi baKrisito banyala bareera injukhakhayukha ingaali mu shisintsa.*

Soma Matayo 5:14-16.

- Khunyala khwokesa buwaanga bukali khuryeena?
 - o *Nga khukhola bikhola bilayi.*
- Matunda shina kanyala khukhwama mu bikhola bilayi?
 - o *Papa Wefe uwe mu'ngaki awewa shirifa.*

Tsingano tse Kumunyu ni Buwaanga

Mulituli likali lye khukhupanisilamo bibibaso

Soma lukaano lunyowa 1 – Saris (Biteteeyi) Bye Bakhaasi Ba Hindu

Bafugilisi beKanisa muno aba beyila nga bediini iya miniliisiwa iyehasi. Abe barya khukhwakanisa ibulafu we shisintsa shawee she bafugilisi baKrisito. Nga bamalile khukhuyika bari, bali nikhukhwokesa khukana khwa Krisito isi shisintsa shoosi, nabwayii wakhupilisa bakyelema bemuKanisa khuwetselesa mu shisintsa shawe byeesi babandu bakana musabiiti iyelekho.

Nga lubusno lwe sabiiti iyelakho lwawele , bakyelema bakobosa ilipooti yawe nga baloma bari banyola bakyelema likhumi nababili baHindu nga bali ni sari indwela(shiteteyaa). Nga bukhafo bukali, sari eno namwe shiteteya, bashisnga buli lunakhu. Nga abele umukyelema ali nashitwela , ashisinga wanikha mumu niye warama mutsu nga nalindilia shoome. Nabwayi wareba nga abe baliwo bakyelema ni biteteya khutuma bitaru babali berenjefu khunaayo shitwela is bakyelema baHindu. Bakyelema bakali bewanayo. Isabiiti iyelakho bakyelema beKanisa bakyeniyila bashawee baba ni sari ndwela mutsingoo tsawee, babawayo iyakhabili. Bakyelema baHindu basangala ni'ngoola eeno, baloma bakyelema bano babafugilisa muKrisito, balombelekho babaana bawe babashiili munda .

Soma lukaano 2 – Kametsi ke Shisintsa

Mu shisintsa shitwela babandu baba ni buwangafu bwe kametsi nga makekhe. Nga bamalile khukhwiya nga Wele nakana Ikanisa yolele shisintsa shawee, burangilisi bwe Kanisa bakhawo khuwetselesa shina sheesi banyala bakhawo khulwawe khurusawo shiwaangafu kametsi. Banyola shifo shekhupangisa bibyuma byekhuyeeba kametsi ni kimikhono. Khunyowa, babandu baloba kamakhula kano—bebaasa bari kametsi kali haleyi. Singa nga tsisebeele tsekhulima ni kimikhono tsili tsitsangu, lwashina bakhatsilima khale khoo? Ne, burangilis bweKanisa bwakhawo khukhakakho. Bafuna bibyuma bikaniwa byoosi. Babiya mushisintsa shawe barakikha khulima kametsi inyuma we Kanisa. Nenga nebarundula kametsi khu fuuti kane natsirano, buli munda wasanyukha nikamani.

Babaakhali be muKanisa, babakhalafu naabi. Bebasaa barii beKanisa kane babeeme kametsi. Ne, beKanisa balanga bandu be shisintsa khukabanana mutsikhaabi tsa Wele . Manguukoo, babashikhilila bisintsa byebalilwana barakikha khulomba barangilisi naabo khubayeeta khulima tsisebele. Ikanisa yabelaamo bulayi. Mumbuka, ikhaali iye kumwiiko, tsisebele shinane tsaba tsalimiwa nikimikhono—nga indwela ifura fuuti shinane tsebuleyi.

Babandu basanyukha naabi munjeli isi Ikanisa yokesa khukana khwa Wele nga nabalngaa khwitsaa khuwulila bubakha bwe khukana ,itsuu yetsusibwa ni babandu babakana khumanya bikali khukhwama isi Wele ni babandu Bewe babawayo kametsi .

Lituli likali lye khukhupanisilamo bibaso

- TsiKana tsino tsakhola shina?
- Tsabaatsili ni buhindifu bukali?
- Shina shebarambisa shebuhindifu isibaba nasho?
- Lwashina bakhola bibndu bino?
- Bikholwa bino byareraawo shina?

Kamakheese ni Tsimbusi – Matayo 25:31-46

Mulituli likali lye khukhupanisilamo bibibaso

Yeeta basomi babone bari mushino khura kamaani khu byekumubili . Yesu aalomakho aari “Nabee itsala ne wamaa khutaboo khekhusomal ” namwee “Nabaa mudwalilo ne wandereela butambii bwe njili khurekelesa byeesi babulila .” byababibindu bikaniwa byekumubili.

Soma Matayo 25:31-46.

1. Injawulo shina iyabawo akari e kamakheese ni tsimbusi?
2. Bindu shina byeesi kamakheese kakhola? Byaba bye mumwoyo namwe byekumubili?
3. Kimilundi kyenga isi iKana yenywe ikhola bibindu byaama khubaliwa ni Yesu?
4. Injawulo shina inyala khubawo mushisintsa showoo singa nga bafugilisi bosu mukanisa bakhola bibindu bino?
 - o Shifaani she Kana shandibele shilayi.
 - o Bulamu bwawe bushukhako.
 - o Baba balakhuulile khukhuyika khukhwama isi Wele.

Tsinjeli tse khuyeeta Babandi

Shekhukhola mulituli likekhe

Yibasa khumakhula keesi Ikanisa inyala yarambisa musambo nga tsino – khube tsalaa,khubabulesaa,khuba bukhuna, khutamba isi ukoonaa, mubulwaale, khubamumabusu.Rambisa ichati iyeTsinjeli tse Khuyeta murambile atweela khukitsusa **SHITABO SHO’ MULEEKELWA.**

Lisomo 6: Bindu shina Bibikaniwa isi khunyala khwayeeta

Ilomo Ikhulu

Wele akhukana khube shekhukhwilamo isi bikosi byoosi mubisintsa byefe. Alii ni bibibaso bilayi bye shisintsa shefee.

Byekhurambisa

1. Shitabo sho musomi:
 - a. Umwayi Wong (buli lituli lupapula lutwela)
 - b. Jose ni Maria Shekhukhwiyikilakho (buli lituli lupapula lutwela)

Khubonekhela khwa Nabwayi Wong

Lituli likali lye khukhupanisilamo bibibaso

Babolele oori utsya khubabolela lukaano. Nga mwamalile khurekelesa, mwilemo birebo bibilakho.

- Bikosi shina bibinyolikhana mushisintsa sha Nabwayi Wong?
- Bibaso shina byesi Wele aba ninabyo lwe shisintsa shino? Biramo buli shikosi ne lwanyuma uulole shili nikhuba shekhukhwilamo sha Yesu.
- Shina sheesi Yesu abolela Nabwayi Wong khukhola?

Soma lukano lwo Mwayi Wong.

Abao Umwayi mu Kanisa injeshe mushifo shikyafu mu shirimba shikali. Lisiina lyewe bari Wong. Wong abee wakhuyila imbuka ingaali mushisintsa isho taa, awulila ari Wele wamurumile ibweneyo -. Ikanisa abee ishili injeeshe nibabandu nga— 40. Babafuura bukali abee bakyelema ni babaana. Wong aba ni kimilimo kibilili. Akholeelelaala khubona ari abalolelela babandu bano bulaayi nga Umwayi wawe nikhuramba kumulimo khukabilila umukyelema ni babaana bewa babilili.

Lunakhu lutwela, nga yaali ikhola yewe, enyukha khulomba isi Wele. Wenyukha wakwaara, warula mbola, waburusa itaala, waraakikha khusoma Ibaibulu. Wasoma Isaya kumurwe 58, wawulila khuliila khwa Wele lwe itsisaya isi akana.

Ilii nikhwo khuno khusibaa khwesi narobola: khuukangula kimikosi kimisiro abe kikyababowa. Khulekhuula baabowe babe baakaangule, ni khurusawo kiminyololo abe kikyababowa babaandu. Khuubuya intsala sikhuli nikhwo khuukabanana bliyo byoowo ninaabo beesi intsala ilya, shikhulu nikhwoo kuuwa bukoono isi abo babaakhaali ekhukona ta, namwe nga waboone umundu uuli bukhuna, wamuwaa she khukwaara nalundi siwaakha khukhwiibisa khu balebe boowo ?

Wong aanyala khukhwiloseela khusoma taa. Kumwoyo kwewe kwasolana ni bibibaso. Singaa nga Wele afeeyo naabi khu batambi, lwashina Wong eenyola nga ali mubutambi ni tsindwaale tsi tsamenyula kumwoyo kweewe? Abaa wamanya injeli isi babaandu mu shisintsa shewe nga nabakhakakhoo khumenya bulamu. Abaa bimuminilisa. Wong naye umwene nga bilyo ibimumala nalundi nga nanyala ni khukula kamaleesi kekhukanga bemungo taa. Webasaa, "Wele ali waeenaa? Sharonewa shino shiwambakana shiryeena ni byesi babaandu be shisintsa sheesi bakana?

Nga ashikunyana ni bibibaso bino, umundu wakhoonyaka khumulyango "Iwee naanu?" Likoona Iya mwilamo liiri, "Wong, Isese Yesu," "Naanu?" Wong wareeba. "Wong, Isese Yesu" likoona Iyamwilamo.

"Mumatsima, iwewe naanu?" Wong wareeba. Likoona Iyamwilamo, "Wong, Isese Yesu. Netsiile lwekhuuba nawulile khulilaa khwe kumwoyo kwoowo ingaana utsokese bibikhutambisa."

Likoona lyawulilikhana nga lyekamatsima. Wong ,wekuulawo lulwiisti.Yaaba mumamilimili nga nikhuboona ali khuboona bulayi taa , ne waboona nga neebasiliisa ari Yesu . “Yingiila,Umukasya,” Wong walooma. “ Ta, Wong, ndii khukaana khukyeendekho mushisintsa sho utsokyeseeekho bibifuna kumwooyo kwoowo .”Nga ashiyangaa, Wong wafukilisaa ne warewuula ari , “Kane khukyenda nga khwikeendelesa—ifulaa ibeele ingaali naabi ,bunyaluu bukali ni biyiikoo nabyo ikhuli nabyoo ta

Nga babiira mutsinkundoo tse mushisintsa , Wong waboolele Yesu tsingano tse tsuu tseesi baba nga babirakho. Wamwokesa isi umukhaasi uwaaba nga nekulisaa khubesawo babaana. Abawo umusetsa umumeesi nga akhuupa umukelema wewe ni babaana nga wameelile—kimilundi kimingi.Eyoo nayoo,abamoo pulesidenti we shisintsa shino ,uwee batsaaka kamabeesa nga asuubisaa khubafuunila kumuunyakaasi—nengaa niye akanywaamu ni khukhupilamo isiimbi.

Baabiira aakari mushifoo shikhabaamo shinduu shoosi taa mu shisintsa .Shinoo abaa shabaa shebabaandu khubusaanilamo,ne aari shaayitsula bunyaalu ni tsimbaba. “waboone itsuu iyoo?” Wong,wareeba nga wokeeselele itsuu imbii naabi khu lukiingi . “Umukyelema mutwela ni babaana bewe bane bamenyamoo. Isuulula—buubi naabi. Bali batambi.Bali ni bye khulya bifwiiti ,byekhukwaara nabyo bitiini,nalundi buli imbuuka baba balwaale.” Khumbukee eno abee bolele khulusikye lwe lukiingi isii shisintsa shino shombeekhekhakho. Wong ,wamwokeesa “Asii wo—isii bakhaasi ni babaana batsya bafuna kameetsi.Imbawoo isi khufuna kameetsi khuno taa”

Wong wayukhiila khusoonda,nee wawulila likoona lye khulila. Nga naalola waboona Yesu nga naliila! Wong waboona aari bibindu bibikiila walila nibyoo bitweela byeene bibiilisa Yesu. Wong warakikha khukaniikha,nee Yesu wamuwamba kumukhoono,wamuusililila,wamuloma aari “ ingaana khukhwolesana bitsilililwa byaase mu shisintsa shenywee.”

Manguu koo Wong ,wenyoola nga walolele shisintsa sheewe. Yesu warakiikha khumubolelaa Wong naaye waboona bibiindu byeesi Yesu abaa alii khunyonyola—nga nibyo biili khukholekha! Yesu wakanikha khubandu babaali mukanisa ya Wong—nga nabaali batambi —nga bakabanana nibyeesi baba nabyoo ni babesanwa bawee. Buuli lunakhu bebikhiilakho,kumukyelele mu khakebe.Nga lwasabiiti nalwoola,buli mundu abaa nikhakeebe nga khakhetsuufu isi barera mu Kanisa khukabanana ni baba nga batambi be mushisintsa ,mulisiina lya Krisito. Bakhola shitwela sheene shoo khu sabuuni,Bakyelema be muKanisa bakyeniilakho banamuulekhwa buli mundu wefunilakho uwewe—nga babayeeta khusiinga,khuteekhanialkho, khufaakho khu baana bawe nga balwaalile.

Yesu wakanikha khubyeekimiilimo,Wong wabona nga babandu bali ni kimilimo. Nga kimisheemba ikiili kimilayi taa,ikibawa shirifa ni khukhwoolelesaa byeesi bakana mubulamu. Yesu wakanikha khu tsitsuu ,Wong waboona itsoo tsiimbi, ni tse kamaasulula nga tsayuusiwile.Akhaaba nga itsiili tsimiliuu,nenga tsindayi atee tsakhila khumenyawamo . Yesu wakaniika khu bye kameetsi,kametsi ke mu tsipayipu kabaawo mubisintsa bibyakhiila isii babaana ni bakyelma bafunila kametsi kamaalayi. Yesu wakanikha khu buyonjo,Wong waboona biyiiko nga buli mutwela aali nisii atsyamoo.Induumi ye bisasalo iyaaba aakari ee shisintsa nga barusawoo nga aari iliwoo bisaala isii babaana bali khukhwinyayiila lifundoo . Yesu wakanikha khu bulamu buyusiwile,Wong wabona umukhasi uwaba nga eekulisaa aari, ali ni kumulimo kwelukoosi nga ayeeta babaana bewe . Umusetsa uwaba nga ali umumeesi aari umugoosi wekhukaana nalundi nga papa. Pulesidenti aari ayeeta shisintsa sheewe. Lwanyuma Yesu walooma aari, “Wong,Loleelela Ikanisa !” Wong walola. Nga itsiitsuufu,nga abuliila,nga aleekela nikhuraangilila babandu bewe mumwoyoni mu bikhoolwa byekhukaanana nga nuwulila .Yesu wanyonyola aari, “Wong, khubonekheela khuuno nikhwo khukana khwaase isi shisintsa showoo. Ingaana uukabanane khubonekhela khuuno uraakikhe khurangilila babandu khwolelele .”

Wong wilaamo, “Nee Umukasya ,nga khuli batambi!” “ Yesu wareeba Wong mbola, “Nanu uwarangilla babaana ba Isilayili khubira mu nyaantsa Imbeseemu? Nanu uwakhupisamo kimikaati ni tsinyeeni waliisa basaani tsiguumi tsirano ni bakhaasi ni babaana? Naanu uwongeela kamafura ke khukhalanga ni buufu bwe’ngaano bya namulekhwa we Zaraefasi nio bemungo babe ni bilyo bibamala kimiiko kitaaru? Nanu uwasiilisa inyatsa ye Galilaya?” “Umukasya Iwe niiye uwashikhola,” Wong wiilamo. “Aari, Wong, wulila sheesi ikhulomeele khukhola. Kabanana sheesi uli nasho,yakhaba nga shikekhe.Langilila khukana khwase khulayii isi babandu boowo —bye mumubili ni mumwoyo. Kane imonese liswa lyenywe!”

Wong wawulila itwaaya nikholyokha , umukyelema wewe wakholola , abee bwabulushile. Wong walola Yesu nenga namuubona taa . wereeba,” namaa mumaaroo, khubeele khuboneekhela? Wong aamanya aari aama khukhwakanana Yesu taa,nee afuuna khutengela khushaakha khwekhufaaayo khu batambi khwa Wele.Wafuna khukhubonekhela khushaakha nga naakha khurangilila babandu khukhwoksana khukaana khwa Wele mu shisintsa.

Mulituli likekhe lye khukhupanisilamo bibibaso

*Yilaamo bireebo bibiili iburaakikhilo wee lisomo lino atee lomba be lituli khurambila mubutuli bukekhe lwanyuma mukabanaane bibyamilemoo **SHITABO SHO’ MULEEKELWA.***

Kobosaayo bibyamileemo

Shiina sheesi wiyikiile mu lukaano lwo Mwayi Wong ni bireebo bya mukhupanisilekho bibibaso?

- *Wele aali ni bibibaaso bilaayi isii shisintsa shewe mubyekumubili ni byekumwooyo.*
- *Yesu abolelaa Umwayi Wong khulangilila bibibaso bilaayi isii shisintsato.*
- *Khubaa umutambi ilii shikosi isi Wele taa.Khuuli ni khumuulila buwulilii..*
- *Wele kane awonese liswaa lyefe nga khwaloondelele tsitsila tsewee.*

Khukhwiyiika iBaibuli

Mulituuli Likali lye khukhupanisilamo Bibibaso

Soma Yelemiya 29:11

- *Tsimbanga tsa Wele isi fee nitsyo tsilii? (khukhutsowatsowanisa , ilii khukhola bubi ta,khukhuwa khusuubila ,ari nuuwo khube balamu(khukhuwa byeburangiisi nga bilayi)).*

Shisintsa sho’Mwayi Wong shaba shikholakana ni bamalya,bameesi,babakhomyasa,babalya iwongo, ni burashi bwe shikha she ang’aaki.Babandu ibaba ni kameetsi kamalayi ke khunywa ta,bilyo,ni khumenya mubifo bikhaali bilayi ta.Nee shino ishiili sheesi Wele akanisa shisintsa shino TA .Wele ali ni bibibaso bilayi isi bisintsa byeefe.

Soma 2 Byekimileembe 7:14

- *Wele akana babandu beewe bakhole shina? (khukhwiwombekha, khulomba,khumuwetsya,khukhwinenya biibi)*
- *Nga abee khwakholele bibindu bino kane Wele eelemo aryeena? (Kane awuulile khulomba kweefe, akhwiyyakhiile bibyoonako byeefe, atee awoonese liswa lyefe .)*

Kane khubone tsinjukhayukha nga nakhurakikha khuwuulila Wele. Bufunisi bwefe nga Ikanisa, nikhwo khulangiilila bibibaso bilayi isi Wele alininabyo isi shisintsa sheefe nga khukhola khubyeesi khubona bikaniwa mu shisintsa . Nga khwalondelele tsitsila tsewee,Wele kane awoneese liswa lyefe.

Shekhukhwiyiikilakho sha Jose & Maria

Mulituli likekhe lye khukhupanisilamo bibibaso

Bawe lupapula lutwela lwa Jose ni Maria lwe khukhwiyiikilakho **SHITABO SHO' MULEEKELWA**. buli lituli . (Buuli shireebo shekhubonelakho shekhukhwilamo sharoniwile. Khebulila oori bilii bitweela khubyekhukwilamo bilaayi aasiwo)

Iraa mushifaani oori shisintsa sha Jose ni Maria shifanana shishoowo.

Itsuu ya Jose ni Maria yawambiwa ni kumuulilo yashaa ni bibindu byoosi . Ingoolobe,nga bali ni babaana bawee baraano atweela ni baleebe baba likhumi muntsuu umwoo. Mbawoo shifoo she babaandu bandii musaafu khumenyaa naabo taa. Aari abee Jose waamala khuliima, khubyaala khaniimiloo kheewe nga aari walindiliile khukhungula nga byalabiile mu mweesi kitari ibweeni. Kamabeesa kooosi nga kaweelaa munimilo atee aari intsuu yashiile .

Binduu shinaa bikaaniwa mungoo munoo?

- Bilyo
- Itsuu
- Bikwaroo
- Byekhutekheelamo
- Khufuuna eesi banyaala bakoona nga naboombekha intsuu

Bindu shinaa bili mushisintsa isi banyaala barambisa

- o Buraambi bunyaala khukhwombekha
- o Babandu babayeeta mukhuteekha
- o Babandu babayeeta khuloleela babaana
- o Babandu babakumiisa ni khuyeeta bemungo
- o Babandu babayeeta khusheeba isii intsuu itsya khwimikha
- o Barambi ba gafuument babawoyo buyeti bwee mumitaawano
- Byekhurambisa
 - o Tsinyunguu ni tsisefuuluya
 - o Bilyo
 - o Bikwaaro
 - o Tsiruukyeeti
- Biyeeta bibiindi
 - o Akhundu eekhubaa

Shisintsa shefee

Mulituli likekhe lye khukhupanisilamo bibibaso

Nga unyaalisa khukhupilsa kamatuli khukhwitoolola mu shisintsa shaawe mu ndakiikha 10-20 khukhwikhebusa khu bikosi bibiili mushisintsa shawee lwanyuma biilemo bireebo bibilakhoo:

1. Bikosi shinaa bibili mu shisintsa shenywee?
2. Mwibaasa khukaana khwa Wele khu bikosi bino nikhwoo khuli ?

Lituli likali lye khukhupanisilamo bibibaso

Rambiisa tsimitso khulondamo bikosi bitaru bisiro khukhwaama mu matuli karoobleewe.

Indakiilila yee khulooda:

Waa buli mundu "tsitso" likhumi (Munyaala mwarambisaa shinduu shoosi nga kamabale, kamasafu binyala byaramba nga tsimitso.) baloome batsikabananise khu bikosi, nga bawayo tsingaali khusheesi bebasa barii byekuumukaso naabi. Bala tsimitso tseesi beweele buli shikoosi –shishiili ni tsimitso tsifuurayo, nisho shekhekumukaso nabi, shekhabili ni mubumitso nishoo shekhabili khuba shekumukaso nisho khataaru mu bumitso nishoo she khataru mumukaaso.

- Wele ali khalomba lkanisa khukhola shii?

Loola bikosi bitaru byeesi mwangaale, buli shikosi kanikha bindu bibili mushisintsa shenywee binyaala byayeeta khubiruuusawoo.

Sabilaakho atweela khusheesi unyaala wakhoola khubyeesi mukanikhiileekho

Lisomo 7: Khubaliilila mu Buhinga

Ilomo Ikhulu

Akhaaba ufuurayo mubutambi anyaala waweeyo .Nga nabaashikhoola kane baboone Wele nga nakhupisamo buli byabakhoola mutsinjeeli tsiimbirifu .

Byekhurambisa

1. Byekhuboonela kho:

- Bili atwela 1: Isaaya 40:29 Bubonelo (Tsumaande 5 /Bili atwela byonyene1)
- Bili atwela 2: Kimikaati kiraanoFive, Tsinyeeni tsibiili mutsipaasa (Ipaasa1 buli lituli)
- Bili atwela 3: Eliya ni Namulekhwa (Ipaasa 1 buli lituli)
- Bili atwela 4:Namulekhwa ni Kama'ngooti ni Kabiili (Ipaasa 1 buli lituli)
- Bili atwela 5: Lusimo lwe tsii Talanta (Ipaasa 1 buli lituli)

Mumusomo kuuno,kaane ukanikheekho khu tsingaano tsirano tse mu bayibuli,lwanyuuma ubalome bakholeyo ikhoola iye khuubaliilila khwaama mulukaano nga barambisaa byekhubonelakho. Nga byekhubaliilila sibabinyaala ta rambisaa tsi kada,balome , batsiire mu bifoo bibili nga tsinyonyola bibyanyowa khubawo ni biliwo aari,bareebe” Injauwulo shinaaliwo aakari ee bibindu bino”? Byayuukha biryeeana?”Shekhukhwilamoo WELE.Boona oori bashitengeela bari Wele niye ukhupisamo .

Khukwanjula: Isaya 40:29

Ari washimanyile oori Ibayibuli iliimo nikhola ye khubaliilila? Mumusomo kuno,khunalolakho khu bitweela mbaliliila eno

Mulituli likali lye khukhupanisilamo bibibaso

Soma Isaya 40:29. Banyonyole oori luno nilwoo lunyiilili lukhulu mu lisoomo lino.

- Naanu uwe kamaani? Naanu umutoro ?
- Wele akhukhoolela shina ifee?
- Khunyaala khwaara lunyiilili luno mukhoola yee bye khubaliilila? Khakhakekho...

Ngooli ni babandu bakali ,robo lamo barano bitsee ibweeni ubawee bupapula bwe bubonelo (**BIFAANI BIBIYETA** : Bili atwela 1).Nenga lituli likekhe,raa tsikada tsoosi aasi,murambiile atweela mukhubitelesa.

“Butoro Bwefee x Wele = Kamaani”

- Khunyaala khweyiikamo shii musharonewa shino—ikhoola yee khubaliilile eno”?
 - o Wele niye ukhupisamo
 - o Kamaani ka Wele niko kafurayo bulayi,ilii butoro bwefee taa.

“Umusoololi ni She kumusii shewee”: Yokana 6:1-14

Buli lukano mumusomo kuno,unalukanikha musambo ye khusangaasa .

Khalekhoo,abaawo umusoololi.Awuliila ari atsyaa khubaawo umulekeeli uwomanyikhana nga atsyaa khwitsa khunyatsa ye Galilaya wakana atsyee amurekeeselekho. Walomba maayi wewe, ne mawee aamukanisa lwekhuba baaa aleeyi ateenga she kumusii aba bakana khufumunuula.Nga namaala khukhwikotselela,wamurera bilyo byewe mushitambala watsya.

Nga woleleyoo,wanyoola babandu betsuule.Ngoomusoololi wemina mina khukhwolesa noola ibweeni.Warakikha khuwulisaa umulekyeeli ni balondeeleli bewe .Wakana ikyeeli isi umulekeeli alekeelamo.Webilila aari wakhulya shekumusi shewe taa

Lwanyuma intsaala yamukukuna,washebulila khalyoo kheewe. Aari nuwoo ayiila kumukhoono mushitambala akhabuteekhoo,waryaa ari babandu banamubona.

Manguu ko umulekeeli wasiila waloma balondeeleli bewe ari nimulise babandu boosi. Umusoololi weshebukha, wabona nga babandu bola tsingumi tsirano basaani bonyeene akhaali bakhaasi ni babaana ta. "Wow,"weyanga , "Bana khola baryeena khuuwa bano bosu bilyo?" Nga ashiyanga,bayeti baba bali khwibasa shitwela shoo, mutwela khu bayeti watsya wareeba umulekeeli ari khunamiisa waena kamabesaa khulisa wanamunu yu. Shinyala shayiila kumusheemba kwe kimweesi kisesaba buli mutwela khumakho khatininikharii

Umulekeeli wabareeba ari, "Mulikho nashinaa?" Umsoololi nga nawarakikha khubisaa khalyoo kheee.Mutwela khu bayeti. Andeleya wamubona."Umulekeeli" "Bona umusololi uyu ali ni kimikaati 1,2,3,4,5 kirano ni tsinyeeni tsibili."Umulekeeli waloma aari mbindereere"

Uuyala wibasa khushakholekha lwanyuma?

Andeleya wamonyela umusololi aari , "Umulekeeli alikhukana shekumusi shoowo." Umusoololi washiwaayo Andeleya naye washiwaa Umulekeeli .

Umulekeeli wabukula she kumusi sho musoololi ,wasima Wele,barakikha khukabananisamo.Umusoololi wasamiliila nga bayeti nibakaba bilyo.Nga buli mundu nalya khukhwolesa nebekura.Wekheebukhe,nga abona bibiipo likhumi nabibili byetsule bilyo bibyaramaakho.

Nga nanyalaa nikhuulinda taa,watimaa khukhwolesa noola mungo .Wekhala wabolela mawee nga shekumusi shewee nashiliisile basaani tsiguumi tsirano , bakhaasi atweela ni babaana! Mawee wamulolelela "Mwanaawe nakhubolela kimilundi kyeenga ,khuloba khurawo bikhaliwo ?"

- Khunyala khwayusa lukaano luuno khuryeena musambo ye byekhubaliilila?

Shekhukhola mulituli likekhe (babandu 3-4): *Buli lituli liwee ipaasa yo musoololi ni shekumusi ,bakhaale baruseemo (BIFAANI BIBIYETA) bili atwela bye 2)*

Oba,khola bibonelo biboofu ,lwanyuma ureere lituli khurambila atweela khukhoola ingoola ye mbaliliila .Bawee kamakhula mungeeli ye khushikhoola mu khunyoola shekhukhwilaamo.Nga lituuli lyakholele atweela,shinyoowa ,lyanyoliile ingoola ireera she mbaliliila.

Aari banyala bakhola biramile mumatuli kawe bonyeene

Shekhukhwilamo: "Umusololi + kimikaati 5 + tsinyeeni 2 x Wele = bilyo bye basaani 5000 + bilyo bye bakhaasi ni babaanaa + ni bibipo bibitsufu bye bilyo 12 "

Aari eeenoni niye imbaliliila iye Buhinga !

Mulituli likali lye khukhupanisilamo bibibaso

- Yesu akaana umusololi ni shekumusi sheewe? Yabaawo ingeeli ikyiindi isi aba anyala khuliisa babandu?
- Lwaashina Yesu akhaalawo khurambisa shekumusi sho musoololi?

Nga khushibaasa khubireebo bino,kane khwilosele khukhola bibindi byembaliliila ye Buhinga.

“Namulekhwa ni Bilyo Bibyaakamayo ”: 1 Bayiinga17:7-16, 18:1

Yaabaa imbukaa iye bisiro mu tsiinakhu tse ba Isilayili. Abee linambo lyabirire mu ntsaala imbiririfu iyamala kimiko kitaru ni shisintsa. Babandu nga nibafaa. Ni Eliya um'ngoosi wa Wele abonaabona ..

Nee Wele arambisaa Namulekhwa nga afeeyo khu Eliya. Nga Eliya nakyeenda mu shiriimba, wabona umukhaasi ngaali khuureenya tsiikhu. Wele wamulooma ari tsyoo muulombe” kameetsi kke khuunywa muumuka” Umukhaasi wamuwaa Eliya kameetsi, Eliya wiloseela khulomba kumukaati nga niye nu mwaana akhaba nga niye nu mwaana bashiili khulya ta.

Umukhaasi wilamoo, “nga Umukasya namenya, indii ni bibimala –indii ni ndekheelo indweela numuusinde wasee ,khulye bibyakamayo khufee! Eliya wilaamo ari “Uukharya ta umugasya kane akabiilile.”

Umukhaasi wayuukha khuutsya khuteekheela Eliya kumukaati . Lwnayuma nga wamaliile khuraambisa kamafula ni buufu bwe ngaano, eeyaanga naabi, khunyola nga bidomoololo byeewe byetsuule kamafula ni buufu nebwoo nbubwitsuuu lundi wamalile khuteekhangabyeesi bakhabukulekho ta. Umukhaasi waboolela Eliya ari “Inambiisiile byosi byeesi imbeele ninabyoo ,ne ari loloaayo” byakoobolewoo. Wele Asimiwe!”

Ibayibuli Ikhuboolela iri Wele khu lunakhu ulwoo ,aawa Eliya yenyeene bilyo ta, ne nu mukhaasi ni bemungo mweewe. Bafunaa bilyo byeesi niye ni babandi be mungoo byeelilasakhoo kimiiko kitaru !Shekhwiyangiisa.

- Khunyala khwayuusa lukano luno khuryeena musambo ye byembaliilila?

Mulituli likekhe lye shekhukhoola

Bakabiile tsipaasa (**BIFAANI BIBIYETA** Bili atwela bye 3) leekha buuli lituli libeewo ni ingoola ye she mbaliliilila .

Nga babaliiwo, iibanyaala khuroona ni khusoma, raa biloomo namwe bubonelo:

- Namulekhwa
- Kumukaati 1
- Bilyo bye babandu bataru byeesi banyala baliila kimiko kitaru

Shekhukhwilaamo: “Namulekhwa + Kumukaati 1 x Wele = Kumukaati 1 x Namulekhwa, Umusololi ni Eliya x tsinakhu 365 x kimiko 3 = kimikaati 3,285 ”

Ari eeno niye mbaliliia ye mubuhinga!

Muli lituli lye khukhupanisilamo bibibaso

- Umukhaasi abaa mutambii?
- Khaali Wele siaalisa Eliya musaambo ikyiind tai?
- Lwashiina Eliya aatsya isi namulekhwa umutambi khumulisa?
- Lwashiina Wele aloomba umusololi kuumuwa shekumusi sheewe mu lukaano lwenyuma ?
- Wele aambiikhakho isi batambi ni banamulekhwa?

“Namulekhwa ni Kamangooti Keewe Kabili”: Mako 12:41-44

Lutwela nga Yesu ali muyekaalu wekhaale shiimi ni shishipoo she biwanoo, wabona bahiindifu nga nabawayoo. Umukhaasi umutambi mutwela abaa ni kama'ngooti kabili .Lwekhuuba kano nikoo keesi abaa nakoo, wakawayoo mubbola nga waswaliile . Yesu wabusanisa balegelwa bewew, wabaloma ari, “Umukhaasi yuuno waweelyo khufura babramile.”

Mulituli likali lye khukhupanisilamo bibibaso

- Yesu aamanyisa shiina? Aweleyoo aryeena khufura babandi?
- Lwashiina Yesu akhaa mulooma ari “Maayi,iwewee abee ukana kamabesa kano khufura lyekaalu.” Abee anyala ,ne aasila. Lwashii?

Mushifo shekhumwakamisa,Yesu eetsililisa shiwano sheewe.Khukhwaama lwoo ,lukaano lwe khuwayoo khwewe lwaronewa isi bakali bashisomakho.Shiili shekamatsima shirii nga walekhanisile nibyeesi alinayo awayoo khubafuura. Khutuma kimiko tsiguumi tsibili (2,000), bafugilisi ba Krisito bayisiwamo kamani nikhukaaba khwewe. Yibaasa khubyawewayo khulwe shekhubonelakho shino.Khuno nkhwoo khukhupisamo KHUFURAYOO . Awaayo sheesi abanasho,Wele washipisamoo. Khuuno nikhwo khubaliliila khwe Buiinga!

Lituli likekhe

Rambisa **BIFAANI BIBIYETA** khalaamoo mukhoolemo i'ngoola ye she mbaliliilila

Shekhukhwilamo: “namulekhwa +kama'ngooti 2 x Wele =Khutuma kimiko 2,000 kyekhukhwisiwamo kamani!”

Khebulisa basomi:

- *Wele alomba umusololi khuwayoo shekumusi shewe...*
- *Wele alomba Namulekhwa khunyowa alisee Eliya ngaa amuwa bilyo byewe bibyakamayo...*
- *Afugilisa Namulekhwa khuwaayo byoosi byeesi abaa nabyoo...*

Mulituli likali lye khukhupanisilamo bibibaso

- Yesu asasiila bataambi aari bakhawayoo taa?
- Manyaa shiliwo shili “shitiini” namwe “shikhalimo kumukaso” “khuuwa Wele ?”
- Wele awaa batambi tsikhaabi nga baweleyo?
- Musambo shiina isi Wele akhuweelamo tsikhaabi nga khwaweleyo?
 - o *Tsikhaabi tse bibindu*
 - o *Khuboona bulamu bwebabandi nga bushukhaa*
 - o *Nga shisintsa shiyuukha lwe bulaayi*
 - o *Nga bulamu buwonesewa*

Akhulaala khufuna tsikhaabi tse bibindu ne ishili sha busheelee taa.Ne akhuundi Wele akhuwaa tsikhaabi khuba batweela khuba reeraa khuyukhaayukha mu shisintsa shawe namwe khukhwitsa isi Krisito. Lulundi wakuwaa tsikhaabi khubirira mu bindu.Mu shitabo she 1Bakorinso 9:11 Wele akhuwa tsikhaabi lwekhuba akana khwilosele khuba babeelaa nuuwoo bulii khumukhoolo Wele aboleeleseewe.

Lukano lulwakamisaayo . Luuno nilwoo ilulii lusangaasaa taa...

“Lusimo lwe tsi Talanta”: Matayo 25:14-30

Abaawo umuhindifu mutwela nga aatsya khu lukyeendo lwe aleeyi .Nga ashiili khutsyaa taa,walaanga babakaanisi bewe.Isi uwanyoowa,wamuwa tsi talanta tsiraano(italanta ililimo tsinuusu tsigaali) nga amuloma ari “rambiisa khukhwolesa ne ndii kobola.”Ukundi wamuwa tsi talanta tsibili,ni isi ukundi wamuwa i talanta indweela,wabaloma ari ” nimurambise khukhwolesa ne ndii kobola.”

Watsya khu lukyeendo ,ne lwanyuuma lwe mbuka indeeyikho wakobola. Wabalanga lundi,wareebakho nga nababeele . Uwafuna tsi talanta tsirano,wareera tsitsindi tsirano. Isi uyuu wamuloma ari ,”Uryoo! Umuyikinwa

mubifiiti,ari fuunayo bibindi” Ukundi uwa tsibili naye wareera tsibili tsitsindi, umukosi wamulom ar,”Uryoo! Umuyikinwa mubifiiti ari fuunayo bibindi .”

Uwasembayo wanyonyola ari, “Nakhumanya nga uli umusaani umuwaangafu .Narya ndi inyala nakikosa,natsya nakibisa mwiloba “. ”Umuhindifu wamwilamo ari” Iwe uuli umubi lundi umutoro!” Wamurusakho i talanta walakiila baakiwe uwaba na tsiraano baamutuuma ibulaafu we buhinga.

Khuno nakhwoo,khubaliliila khwe Buhinga .Ari khakhubone.....

Mulituli likekhe lye shekhukhola

Bakaabile tsipaasa (**BIFAANI BIBIYETA**) Bili atwela bye 5) leekha buli lituli likholewo ingoola yee she mbaliliilila .

Shekhukhwilamo: “Umwakaanisi + talanta 1 x 0 (mbaawo shokholele) = khukhwongelakho 0 + umwakaanisi watuumiwa mushilima ”

Mulituli likali lye khukhupanisilamo bibibaso

- Naanu is bawa bikekhe naabi? Ne shina shishakholekha!
- Wele afakhoo khu batambi taa? Nee lwashiina bamutuuma ibulafu we Buhinga?
- Bindu shinaa binyala byaruramoo, akhabaa isi batamba, singaanga ibanyaala bawulila Yesu taa ?

Shekhumalilisa

Lituli likekhe lye khukanikhilamo

1. Khuli bebubweela nibyeesi Wele akhuwaa?
2. Ikanisa yefee ilii ni bubweela nibyeesi Wele akiwaa,namwe khwiifakho fenyeeene na fenyeeene?
3. Musambo shina isi khuboneemo Wele nga akhuwa tsikhabi lwekhuba khulibabeela ?
4. Shina sheesi inyaala nakhola khureerawo injukhaayukha mu mubulamu bwefe ni muKanisana nga khurambisa tsingoola tsino?

Lisomo 8: Bikholwa Byekhukana

Ilomo Ikhulu

Khuunyala khukana bisintsa byefe khubiriira mu Bikholwa bye khukana . Bubonelo bwe bwe bikholwa byekhukana nibwo buno: bikholewa khukhwokesa khukana khwa Wele,bikholewa mukhuwulila Wele, byakholewa mu maani ka Wele ,bikholewa biri Wele abolelesewe,bikholewa nga khurambisa buhindifu bwe mushusinta sheene sho, mubukekhee atee byaba bibyaangu.

Byekhurambisa

Shiwaano Shikekhee - shekhukhola she buhindifu bwe mushisintsa

Mulisomo lino wakhiila khu shebulilla bubonelo musaafu bubwokesanisa bikholwa byekhukanai.Kuhulomba khuuri urambise kimikhoono mu khubyolesana biyeete khushebuliila.Shehubonelakho nga: – Kamaani ka Wele nutsisaa /kumiisa kimikhoono .Khukholewa mu Khuwulila Wele,yinyuusa kimikhono nga mukhulomba .Nga notsya nga wanjuula bubonelo buno,balekeele ingoola ya buuli khabonelo.

Khukhwanjula

Mulituli likali lye khukhupanisilamo bibibaso

- Bindu shina byesi inywee mukhoola nga Ikanisa khukhwokesanisa khukana isi bakhaali bafugugilisi muKrisito mushisintsa shenywe?
- Bandu benga babamoo?
- Shinoo mushikhoola kimilundu kyenga?
- Mukhola muryeena khukhalaawo shekhukhola?
- Bandu belaamo baryeena khushinoo?
- Lwashiina mukhola bibindu bino?

Bikholwa bye Khukana

Mumisomo kibirire khwashebulisiwa musambo isi Wele akanamo buli mutwela. Khwaboona nga khwaalakiilibwa khukana umwesana wefee Bikholwa bye khukana shili shitwela khubyesi khunyala khwakhola.

Bikholwa byeKhukana bili byekhukhola bitini byesi Ikanisa ikhola khukhwokesanisa khukana khwa Wele isi shisintsa shefee.Bushele biba byanguu ate bikholewela ni lunakhu lutwela .

Buliwo Bubonelo musaafu bwalubuulo bubwokesana Shikholwa sheKhukana. Mulisomo lino khunabulolelesa buli khatwela.

1. Bikholewa Khukhwokesa Khukana Khwa Wele

Shitwela khubutsililwa bye Bikholwa bye Khukana shili khukhwokesa khukanana khwa Wele mushisintsa shoo.

Mushisintsa shitwela Ikanisa yakhalawa khukhola Shikholwa sheKhukana. Baawulila bari Wele ali khubaloma bayete umukyelema womurangiilisi webisaayumba mushifo shawe. Abee baryaa umuragiilisi webisaayumbana yuno,nga abee ekhaalasa wapaa babandu nga niloomo mbawoo taa.Nee Ikanisa yakana khuwulila Wele.Balinda khukhwolesa umurangiilisi nga warurile mu shirimba,lwanyuma bayeeta umukyelema wewe khumukhunguulilakho ni khureekheka khukulisa byeesi akhungula. Nga umuragiilisi yuno nakobolayo ingoo,wabona bakhunguule bilyo warebelaa a'angaki e likono lyewe , "Naanu ukholeele shinoo?" Umukyelema

warya khumubolela, nga wamanyile ari bitsya khurera biwaangafu, wamaya wamubolela nga Ikanisa nayaamuyeetile . Uwebisaayumba watsyaa wakhonyakaa khu mulyangoo kwe Kanisa ni kamaani. Umwaayi nga wamalile khulanga ba dyangooni khumubela shiimi ,wekulaawo lulwiitsi nayee wengiila.”Lwashiina mwayeetele umukyelema waase ?” wareeba. Bamwilamo bari, Khwakaniile khukhwokesa Khukana khwa Wele. Umusaani warakikha khuliila, nga abaabolela ari imbawo uwamwokesakho khukana taa. Wafugilisa Krisito mubulamu bwewe waayuukha, watsya wareera babandi betsiingo tsisesaaba naboo bayukhila Krisito.

- Shiina shamaa mu Shikholwa sheKhukana shino?
- Wibasa umunabisaayumba yuno khaali eebirisa aryo nga abee bakabanane ninaye injili busaa?

Shitsililwa she Bikhola bye khukana shili shiri khuwulila likambila Iya Wele Iye khukana umwesana woowo. Khukana khukhwokesa khukana khwa Wele is shisintsa shefee. Shilayi khukhwibaasa khuboo beesi khukhokesa khukana busheele taa, nga aboo bakhetsa mu Kanisa taa.

- Wibaasa lwashiina shili she kumukaso khukhwokesanisa khukana khwa Wele isi bakhali bafugilisi baKrisito?
 - *Bakhali bafugilisi ibakana khukhwitsa mu kanisa khuwulila bibyaama khu Wele*
 - Nengaa, baboone Khukana khwa Wele mubikhola, khuyukhayukha khuba khukaali.*

2. Bikholewa Mukhuwulila Wele

Nga mubindu byoosi, khukana khukyeendela mu khuwulila Wele. Baalala khumanya byeesi shisintsa shikana bikholewa bakyenda khushisintsa shoosi nga beerebelesa, neefe khurakikha ni khulomba, nga khureba Wele shiina sheesi akanaa khukhoole. **Bikhola bye Khukana bireera tsi njukhayuukha nibyoo bibindu bibonekha nga ibili ni kamakhuulu taa .**

Yibaasa khu lukano lwo murangilisi webebisayumba.

- Ikanisa yakhalawoo iryena isi naanu bakiila khokholaayi shikholwa shekhukana?
 - *Balomba ni Wele wabokesana umukhulu webebisayumba .*
- Wibasa khali barobola umukhulu we beebisayumba ibaanga babakyeendamu shisintsa khubona sheesi bakana?

Byeesi Wele akhulaala akhulomba, ibikhoola kamakhuulu mukhwibasa khwefee taa—Inga khukana umurangilisi webeshisayumba . Khunyaala khwaaba baguemu khuuri Wele byeesi akhurangililaamo khukhoola, byolelesa shitsililwa sheewe ninafee khufuna tsiikhabi nga khwehambile mu mbaanga yeewe.

3. Shifiiti atee Shishaangu

Nga nurakiikha khukhola bikhola bye khukana, khukhupilisa khuuri muloonde bibindu bibili bibyaangu. Byaakha khukhooliwa mu lunakhu lutweela.

- Lwashiina wibasa oori byaakhila khuuba bifiiti atee bibyaangu?

Loleelela bibindu bine bino: Nga khwarakikhiile ni bibili bikekhe atee nga bibyaangu...

1. **Khunyaala khubyolelela.** Nga khwaraakikhiile khu shindu shikaali naabi, shikhuusitoweela , shaleenya lukaali khusholelesa. Nee, nga shaabele shikeekhe atee nga shishaangu, tsiikhabi tse khusholelesa mubwangu tsibaa tsingaali.
2. **Babandu bakaali banyala betuubilamo.** Babandu betuubilamo khushekhukhola nga bamanyile baari shikeekhe ate shitsyaa khuyila imbuka ifwiiti nga luakhu namwe shisintsa she lunakhu.. “Oh, Kaane imbeewo ,lwe khaseesaba inamba ta.” Nenga shekhukhoola shiyila tsinakhu tsingaali, babaandu ibe tubilaamo taa lwe mbuka ni bibndi bibaresa. Lwekhuba ikhola eeno iyee khukholela babandu babandi ishiili ishaakha.

3. **Yino ikhaabi ye khupyeelusa tsi talanta tsefee.** Lukanaa ikhuuli ni bumanyilifu bukaali mubyekhukhoola, yino niye ikhaabi ye khukhwingoonangona. Khukhoola shishaangu atee wafuuna khushimanya bulayi nga ushiili khukhwola khushiguumu taa .
4. **Khubiraamo mubwaangu.** Nga babandu nababona nga bitsya bulayi mu bitiini bino,baaramile kane bakhwesiwee ni khubiraamo khuno .Munyala mwe khupilamo khukhwama mu kanisa nga muli bakekhe. Neenga namusomese, mulekeela bikhola byekhukana nga biboonekhaana,babandu babeekatakhoo nga ni bakana .

Khukhola Bikhola byeKhukana kimilundi kimikaali (buli sabiiti namwe nga tsabirekho tsibili) khufurisa namukhola shishintu shikaali. Khukaata khu mikaaso kye khukhoola bikhola bye khukana bikekhe, khubikholaatsaka buli imbuka nashoo shokesana shifaani she kumoyo kwe khufaayo nga Ikanisa mushisintsa.

4. **Bikholewa nga Khurambisa Buhindifu bwe mushisintsa sho**

SHEKHUKHOLA NGA KHWIGAATA

Khutsya khwinyaa kumwinyawo. Yiibasa khuBikhola byeKhukana byeesi Ikanisa yenywee inyaala yakhola khuyeeta babandu nga yimuruusa libeesa lyoosi taa.Roona byoosi khu lukhakhala .Bayeeti baanaba nibyekhukhwilaamo bifura bukali banafuna shiwaano.

Tsitaakiika nga tsabiriire tsibili bakhebuse,beebase khu talanta tseesi babandu balinatsoo mu kanisa isi banyala bawayo .Tsitaakiika tsiraano nga tsawele,leekha bayeeti bakhubolelekho Bikhola byeKhukana byeenga isi bebaasilekho.Babafurireee,bawekho khawaano nga khalyo namwe shoosi sheesi bakana.

Mulituli likali lye khukhupanisilamo bibibaso

- Wibasa lwashina shili she kumukaso khukhola Bikhola byeKhukana nga khurambisa buhiindifu bwe mu shisintsa?
 - **Shifurakho ni khukhwolesa khukana**
Yiibasa khu lukano lwe tsi saris mu lisomo 5 . Wibasa khali sharerawo injawulo inyeeneyo singa shitongole sharera tsi saris mu shisintsa? Taa,abee ishinyalikha .
 - Lwashina babandu bawuulila nga babakanile ?
Lwekhuuba babona khukana khwe kanisa nga nee bewanaayo.Nga shisintsa shakhuwuulila khukhwiwaayo ,musamboo yeene yo yikaane babone khukana khwa Wele isi baali ta .
 - **Tsikhaabi tse khukaaba.** SomaRead 2 Bakorinso 9:6-11. Wele waloma aari kane akhuuwe tsikhaabi mu shipiimo sheesi khukabilamo.Nee,loola khubyaroonewa bino .
 - Lwashina Wele akhuuwa tsiikhabi?
 1. Nuwoo khube babeela buli khumukhoolo.
 2. Nuwoo Wele aboleleseewe.
- Nga tsikanisa natsokesa bubweela,khubona nga Wele natsiwa tsiikhabi. Tsarakiikha khuruura mu butambi.Nishifurayo,beloseelayo khukhokhola bikhola bye khukana .

5.Bikholewa khubirira mu Mani ka Wele

Soma Yokana 15: 1-8.

- Lukano luno lukhubolela shiina khubyeesi khunyala khwakhola khulwefe? Wibasa shino shimanyisa shina
- Khunyaala khwamakhoo kamatunda kamakali khuryeena?

Khuyeta babandu khuwangafu. Wele yenyene niye ureerawo injawuulo isi khunyala khweyiikina mu bisintsa byefee . Nga khukanaa bisintsa byefee biyuukhekhoo khubirira mu Bikholwa bye Khukana, khwaakhaa khulolelela Wele ni khumulomba buyeeti.

Khuloombe nga khushiili khurakiikha,nga khuuli khukhoola ate nga khwamaliile khukhoola Bikholwa bye Khukana. Nga khwakanaane bikosi,khwakhiila khureeba Wele khukhureraawo itsiila.Nga khwaweelelemo kamani,khwiyiikine Wele akhuuseemo kamani khwiiloseele.

6. Lomba babandu bakali benyiikileemoo/bewambileemo nga nashinyalikha

Mulituli likali lye khukhupanisilamo bibibaso

Bakaabemo mumatuli kabili – A ni B. Loomba lituli A liroobole umundu mutwela abaashiikhiliile.. Boolela lituli lyakhabili buli mundu kane abee nga nakhola. Banyonyole oori kamatuli kombi bali ni khukaata tsimbeka tse shisengee ngabarambisa shinduu shoosi sheesi banyoola. Mulituli A, Umundu mutwela ali ni khukhola kimilimo kyoosi ,nenga anyala wasaabakho byekhurambisa khukhwama mulituli lyosi.Mulituli B, buli mundu barambila atweela,khurera bibindu,khukataa kkamakutyi kabiili . Nyonyoola lituli A oori baramile mulituli lino basiile busaa nga uwashawe nakhola . (Nga shibaawo shabakhola, balome oori, “Siila busa,shibiina shebubwakanisi shilil khuramba.”)

Nga kamatuli kombi kamalile, reebaa oori:

- Naanu unyowele khumala?
- Shinaa sheesi khunyala khwiyika mushinoo?
- Lituli A
 - Umundu uwakhola kumuliimo yenyee eeulilaa aryeenal?
 - Babaramaa bewuulila baryeena? Weyibasakho oori khaali winyiikileemo?
- Lituli B
 - Mikaaso shina kibaawo nga babandu bakali barambiile atweela?
- Nga khwakhoolele Bikholwa bye Khukana,khukhakakho khulomba babandu bakali khukhwinyikilamo—lwashina shino shili she kumukaso?

Kimiluundi kimiingi mukanisa babandu bakeekhe niboo babaakhola kimilimo kyoosi. Babaakhoola beene boo baluuwa maangu ate baawamoo ni kamani , neenga baramile bekhaala busaa naluundi bewuulila bari tsitalanta tsawee itsiili khurambiisiwa taa . Iyi baapyeelusaa namwe batsoowa mu talanta tsawee namwe mufugilisa yaawe taa. Akhulaala khumaliwamo kamani nga khusabiibwa kamabeesa atee nga ikhwiinyikilaamo mubyeekhukhola taa. Nga wakholila shikholwa she khukana, shikaana shiiri wakhaa khuulanga babandu bakali khukhwama mu kanisa nga nashinyalikha khwiinyikilamo .Nga shinoo shakholikhiile buuli mutwela areerakamakeesi ni khuyiia atweela ni kamani kawee byabalayiisa ni khukhwaanguuyisa kumulimo. Shikholwa shilayi she khukana, ishiimanyiisa shiri ubuusaanisa khukhwama khu buli mundu nuwoo lwanyuuma mwaweyo shisheenesho taa, nekhubonoo oori buli mutwela abakhoo ni shekhukhoola mumulimo kuuno, iili khulekheela mutwela yenyene ta . Bino bili bitweela khubyeesi tsikanisa tsitsindi tsakhalaawo khukhoola nga buli mutweela eenyikilaamo khukhwolelela butweela : Khusiinga shishuuma she kameetsi,khurusaawo bukyafuu isi bataa kametsi namwe kimikhoosi ni khuumiliisa likangiilo.

7. Bikholewa nioo Wele aboleleesewe

Soma Yokana 15:8 lundi.

- Mukaso shiina kukuuli mukhwaa kamatunda kamakali?

Soma Matayo 5:13-16.

- Lwashina khukhola bikhola bilayi?
- Shitsiililwa nishoo shili nga nakhukhoola Bikhola bye Khukana?

Buli shikhola shekhukana isi khukholile khukhuyilatsakekho imbuka khubaliliila? Shina shishamileemo?

Yiibasa khubindu bitaru:

1. Babandu bayetiwa?
2. Bashikhoola mu khukana?
3. Wele aboleleesewaa?

Babandu akhulaala babona Shikhola shefee she Khukana lwanyuuma bakana khuwulila khwaama isi Wele. Nee iili busheele taa. Kamatsiima kali kaari ikhuuli ni khaabi khu Wele buli mbuka isi khukholeela shikhola she khukana. Khunyaala khweewayo khuwaa Wele shirifaa buli mbuka nga khukhola bibindu bibiniinisa Wele a'angaaki . Niitsiibaasa, lisaanyu ni bitsiililwa byefee khukhwakanisa babandi shinyala shaaba kunjuliisi biwaa Wele shirifaa ni khumuboleleesa.

Mukhumalilisayo

Banyoonyole oori mulisomo lilakho khutsya khubona nga nakhunyalahwerejekharenjekha khukhola shikhola shekhukana. Ngoosomesa buli sabiiti, yiila imbuka ye isabiiti eno ni be kanisa yenywee khukhwingoonangona khukhola shikhola she khukana.

Malilisa nga uubakheebusa bubonelo buno nga urambisa kimikhoono kimilundi kimikaliikho .

Lisomo 9: Khutekhatekha Shikholwa she Khukana

Ilomo Ikhulu

Shitsililwa she lisomo lino, khukhuuwa imbuka khutekhatekha khukhola Shikholwa she Khukana.

Byekhurambisa

1. Tsimbapula tsimbaalayi tse kamatuli ke babandu 5-7

Lusimo lwe Bayaya Babili

Soma Matayo 21:28-32

- Papa asaba/alomba basololi beewe khukhola shina? (*khuramba mu'nimilo yekimikyuungwa*)
- Basololi bano bamanya sheesi papa waawee akanaa ? (yee)
- Injaulo shina iliwo akaari e'bayaya babili bano?
 - *Unyowa aloma ari iingane imbuulile papa ta,nee lwanyuuma wayuusakho bibibaso byeewe wauulila papawe.*
 - *Uwakhaabili waloma ari kane awuulile , nee lwanyuma watakhuwuulila ta.*
- Mwana shiina uwaarerela lubuuyi Yesu/uwakila Yesu wasimiiwa ? (*Uyoo uwamuwuulila.*)

Yesu arambisa lusimo luno khukhwokeesa bumiinyi bwe barangilisi bee tsidiini . Aloma aari babusanisa bee kumusolee (barambi ba gamenti babeeba kamapeesa) ni bamalayaa babeenenya barakikha khu khuwuulila Wele kane banyoowe khutsyaa mu Buhiinga bwa Wele khufuurakho barangilisi be'tsidiini babaloma bari kane khuwuulile nee lwanyuma batakhuwuulila ta.

Isihimala taa, ifeefe khukhuyiika atee khwawuulila buwuulili kamatsiima kano nga kalangililwa ta. Khuli nikhuraa kamatsiima kano mun'goola . Wele akhukana ifee khumuwuulili nikhukana. Khwamanya khukana khwa Wele isi ifee: khukana Wele ni khukana umwesana wowoo nga nafee nakhwiikana . Khwakiila khurakikha nga khuwuulila khukana khwa Wele mu bulamu bweefe nga khukana babandi nga khubiirira mu Shikholwa shee Khukana .

Bisintsa ni bulamu bweefe ibikaane biyuukhe ta khukhwolesa nga khwarere mun'goola byeesi khubeele khwiyiika. Kale khashibewoo sheesi khukhola aari shikhuyeete khurakikha khukhola !

Tsiimbanga Tsekhukholelakho

Lituli lye babandu bakekhe lye khukhupanisilamo bibibaso (babandu 5-7)

Nga uleekeela mukanisa,unyaala wakhola shino nga lituli lyoosi Rangilila lituli nga ubira buli mulidaala.

Lidaala 1: Khulomba

Shinyooweelala khulomba.Yiilakhoo imbuka uulombe. Loomba Wele akhwookese shekhukhola nga Shikholwa she Khukana. Yiilakho imbuka mukhusiila ,ureekelese Wele akhuboolelela shina.

Lidaala 2:Khurobola shekhukhola

Nga lituli,khalawoo sheesi mutsya khukhola nga Shikholwa Shekhukana. Wele aabawakho shekhubonelakho ? Singa nga aliwoo uuli ni shishiibaso shinyala shokesa shikholwa shilayi shekhukana,nakhuboolelekho. Lololakho

khu bibaso bye mu lisomo 5: Wele akana lkanisa khuyeeta Lisomo 6: Binduu shinaa bibikaniwa is khunyala khwayeta. Nii mufugilisaanile atweela isi muwuulila Wele abalooma khukhoola.

Nga mwamalile khuroobola shekhukhola, boona muuri shikholikha mu lunakhu lutwela. Kamatuli kakaandi ka loonda shindu shikali . Yiloseela khukhwibaasa khukhwoleesa namufuuna shishindu shekhukhola mu lunakha,nga murambisa bye buhindifu bye mushisintsa ni khubona nga babandu bakali beewambiilaamo .

Ngooli khukhoola tsimbanga mu matuli kamakeekhe,leekha buli lituli likabanane bibibaso byawee atee ufuune shekhukhwilaamo isi babandi . Shokesa khukana?

- Shili shiekhe atee nga shishaangu?
- Shinyala shakholekha ni bye buhindifu bye mushisintsa bibiliwo?
- Babandu bakali benyikiikeleemo nga nashinyalikha?

Lidaala 3: Rekeekha imbaanga

Khupanisa bibibaso khubireebo bino,lwanyuma muroone byekhukhwilaamo nuuwoo muuloobe khuubibilila taa.

- Shiina sheesi mutsyaa khukhola?
- Byebuhindifu shina byeesi mukana? Kane mubyamiisee eena? Naanu uukane abireere ?
- Naanu isi mutsyaa khuyeeta?
- Naanu utsyaa khwiminiilaamo khuyeeta? Naanu unalaanga buli mundu?
- Nga tsiinakhu tseenga isi khunakhoolelakho shinoo?

Nga bali khurambila mumatuli kamakekhee ,leekha buli lituli lyokese imbanga yalyoo .Reeba lituli likhuuwe bibibaso binyaala byakumiisa tsimbaanga tsiino.

Lidaala 4: Lombaa

Nga wamalile khu roona imbanga,yilakhoo imbuka ulombe lundi. Mulombe abayeete mushimaalilise atee akhupiseemo bibiyamaamo.Lomba oori lisina lyewe liwewe shirifa . Musabiiti iyitsaa namwe tsiibili tsitsilakhoo nga urenjekharenjekha,yilosela khulomba oori Wele akhuyeete .

Banyonyole oori kaliwoo kamadaala kabili karamile Ikhunakabona shalelo taa. Soma nga nookabiraamo kamadaala karamile kabili .

Lidaala 5: Shiree Mungoola

Lidaala lililakho khuraa mungoola byesi ungonangonile. Tandikhaa lunakhu ni khulomba nga wiwaayo isi Wele. Khebuulila oori uuli khukhola shino khukhwokesa Khukaana khwa Wele isi shisintsa shoowo.Leekha itsibasilisa yowo ibee atweela ni shiftsililwa shino .

Lidaala 6: Khebeela lundi ubaboolele byonyoolele

Lidaala limalilisayo lye khukhebeela ni khubola byonyolele. Lwashina khukana khukhebeela? Shikhuyeeta khukhwiya. Shina shakhwakhoola bulayi nisii khunyala khwanganamo kumulundu kukundi. Yilakho imbuka ifwitiiri mukhupanise bibibaso khu bireebo bino :

- Shina shatsya bulayi?
- Shina shikhatsya bulayi taa?
- Unyala wongelamo shina shilayi mu mbaaga yino?
- Khukhwilaamo khwaaba nga nawakaana?nga ishili shiryoo ta ,lwashi shikhali shiryoi ?
- Wele aweewa shirifa?

Khumalilisayo

Khwamalile kumusoomo kunyoowa (module 1).

Lituli likekhe lye khukhupanisilamo bibibaso

Yilakho imbuka khukanishila mumatuli kamahekhe bibindu bikhulu isi ukhebulila khukhwama mu masooma kano.

- Shina shesi usubiila khukholakhoo shaburawa mu sabiitii iyitsaa?

Nga khumalilisa khakhukhebulile lukaano lwe bafubukhai babili mu Matayo 21:28-31. Mu lukaano luno mutwela aloma ari kane awuulile rarawee ne lwanyuma walob khushikhola ta . Uwekhabili waloma ari ingane mbulile ta ne wawulila. Yesu abolelesa uyoo uwawulila. Ishiili shimala khukhwitsa wasooma ate weyika . Khuuli ni khubiraa ngoola. Bulamu ni bisintsa byefee ibikane biyuukhee ta khuruusakho nga khwarere ngoola byeesi khubele khwiya . Unyaala warakikha nga ukana babandi khubirira muBikholwa bye Khukana .

Loombelakho lituli oori Wele abayeete khuraa mu ngoola byeesi babeele beyiika .